



碑傳集

第四十四冊  
忠節



卷一百十七  
之一百十九

碑傳集卷一百十七目錄

忠節上之上

佟養正傳 入旗通志

致達禮傳 李敏

資政大夫參領三等阿達哈哈番甘公名墓表 郝浴

定番州殉難紀事 王睿

陳新第 饒 謨

龍在田 簡成書

安紹祖 周齡六

黎維垣 胡允中

夏朝卿 李二龍

楊東明 唐 璉

程民悅 韋帝臣

周卜年 尹湯賓

江山秀 潘 達

永安令高君咸臨小傳 鄭梁

楊公振傳 韓程愈

佟養甲傳 國仕 養昇 齊

東安尉陶宏才傳 陶自新

黃大僕廷柏祠碑記 孫會筠

贈按察司僉事陵川令李公向禹殉節傳 張九鏡

黔陽令周文奕傳 杭世駿

辨正許公鴻儒殉難事 戚學標

平樂府知府贈太僕寺卿尹公明廷墓誌銘 施閏章

又徐將軍傳 彭而述

又徐將軍傳 翟鳳壽

台州守備鄭公之文傳 劉大槐

徐僉事尚介傳 楊椿

遊擊將軍贈參將胡公其侯墓誌銘 張能麟



碑傳一百十七目

忠節上之上

佟養正傳入旗通志

佟養正漢軍鑲黃旗人原籍滿洲姓佟佳氏因其祖達爾哈齊客遊明遼東邊境遂寓居開原稍遷撫順天命四年大兵征明克撫順城養正來歸

太祖高皇帝嘉之六年從征遼陽以功授遊擊世職奉命駐守朝鮮界之鎮江城是年秋七月城守中軍陳良策與居民潛通於明將毛文龍令別堡之民詐稱兵至大呼噪城中驚擾良策乘亂執養正殺其子豐年併從者六十人叛投文龍養正抗節不屈遂被害雍正元年

詔追贈光祿大夫一等公又加贈太師諡忠烈崇祀昭忠祠初養正以其祖流寓明撫順地方比歸

本朝遂與諸漢人歸命者同隸漢軍旗分康熙二十七年養正孫國綱時已困

孝康皇太后推恩自出追封養正子定南將軍國綱為一等公以國綱

承襲公爵任內大臣稱為國舅上疏陳奏言臣家本係滿洲緣臣高祖達爾哈齊貿易故明邊境明人誘入開原比

太祖高皇帝遣使入明臣叔祖養性備述家世求使臣代奏即蒙太祖恩諭朕福金係佟佳氏塔本巴顏之女爾佟姓兄弟分散入漢之

故朕知之久矣未幾大兵克取撫順將臣族人居于佛阿拉地方不加差役臣叔祖養性得尙宗女

賜號詩武里額駙令與佟佳氏之巴都里孟阿圖諸大臣考訂支派敘為兄弟臣家族籍既明懇祈睿鑒改隸滿洲得

旨該部議奏本月十一日戶部覆奏言舅舅佟國綱等查係滿洲理應將伊及族人歸入滿洲旗分但查漢軍鑲黃旗舅舅國綱佐領及伊族

人在漢軍正藍旗之十二佐領在鑲紅旗三佐領共壯丁八千四百三十一名內現任文武官一百八十六員候補官并監生一百九十五員

若將伊等俱歸併滿洲旗分則漢軍旗下壯丁缺少應將舅舅國綱等仍留於漢軍旗下現今滿洲有授為漢軍副都統參領之例佟氏族內

文武官員仍留現任照例陞轉其編審冊內俱開為滿洲可也

詔從所議後

三朝國史開館纂修  
聖祖仁皇帝欽定滿洲功臣一百一十五人養正子佟圖賴與正白旗  
二等伯石廷柱並與焉廷柱亦本籍滿洲因先曾仕明而編入漢軍旗  
分者也

敦達禮傳

李斌

敦達禮滿洲鑲白旗人姓郭爾羅斯氏世居沽河自幼爲

太宗文皇帝近侍甚見親信前後賞給人口十三戶崇德元年肅親王  
豪格分封豪格爲

太宗長子特遣敦達禮輔之諭曰汝自幼隨我其誠心輔佐王有過  
失汝須諫勸於是賜以牛豕章京職俾掌親王府事敦達禮秉性忠

直遇事勸諫偶有不聽據實陳奏請還爲內侍

太宗卽召王溫旨開導隨親解御衣一襲賜敦達禮仍令從王八年

太宗賓天敦達禮服朝衣哭踊匍伏叩首請以死殉諸王等不允咸謂  
爾旣奉

命事肅王何必如此飭章京甲兵善爲防守敦達禮泣曰我自幼蒙受  
主恩特渥且從前曾面奏

碑傳一百一十七

二

大行皇帝誓以死殉是時侍從諸臣如那木達等皆親聞此言若違初  
心是以虛言誑

主也任加防守我意已決諸王大臣見其心誠切不可挽回乃令吳達  
海貝子阿爾革圖送還其家敦達禮遂於蒙古帳房內從容自經時崇

德八年八月十五日也事聞奉

旨諭禮部祭奠工部營葬立碑賜其子廓赫阿達哈哈番世職永免徭  
役順治十三年五月

賜諡忠毅併勒照阿思哈尼哈番品級改立二等碑康熙二十一年

聖祖仁皇帝詣盛京謁

陵遣大臣照功臣例至其墓奠酒

奠酒

人

十三

資政大夫參領三等阿達哈哈番甘公秩慕表

稽古眞人龍戰必有名輩攀附決策宣力造國福以爲家慶如吾代甘  
公是也當

太宗文皇帝開天海外兵薄山左自燕關轉戰而東公方以伍長管攝

牙喇甲喇事卽偕勞漢大破吳總戎于東路因以勇略著名及

世祖章皇帝整義旅入關更爲海內除殘歲在甲申旣聲討元凶其支

黨分竄秦楚乃遍下八旗之甲于中原當是時公率本甲喇精兵星馳血戰一捷于綏德再捷于延安又追窮至郭門墮其城逮餘寇復逸武昌值僞田馬二侯以四千人蟻抗天誅公奮同達蘇躍馬揮戈直劈其中堅諸營以次瓦解遂奏九公之捷露布以聞後再將入楚埋根行首為飛礮所中壯哉

世祖悼念謂公忠武為

兩朝佐命從龍之彥又逢親政殊恩乃授為拖沙喇哈番以子蓋思海襲其職嗚呼豈非造福于國即流慶于家哉順治九年天下大定遂用上

聖母昭聖慈壽皇太后尊號及大婚禮成再上

聖母尊號之恩加蓋思海官由拜他喇布勒哈番加一拖沙喇哈番繼復以蓋思海舟山之功自累其官至三等阿達哈哈番再准襲二次康熙九年五月初六日

今上以

聖母章皇后升祔

太廟因總錄舊勳重申休命特誥贈公為資政大夫參領三等阿達哈

碑傳一百一十七

哈番加一級並贈元配崇額里氏為夫人公既以身建殊勳為世名臣復有哲裔蓋思海為參領益彰前烈噶爾泰為御史屢進讜言一時目為中朝麟鳳故九公之捷及是而大光是殆吾公才名膽識復精貫以忠孝之心之所致也御史子同官屬予為表其槩

定番州殉難紀事

王睿

陳新第

饒謨

張耀

曾益

陳瑞徵

陶世顯

龍在田

簡成書

龍起潛

龍飛

尹大任

徐鑣

安紹祖

周齡六

陳玉環

顧人龍

顧大元

尹思民

黎維垣

胡允中

王道中

顧從龍

黃文秀

李一龍

夏朝卿

李二龍

毛一練

尹湯傳

尹湯卿

熊化

楊東明

唐二璵

賈翰

張新建

王仰

王基昌

程民悅

韋帝臣

韋之福

許華宇

毛琛

艾養中

周卜年

尹湯賓

熊鍾隨

杜凡六

謝賜璠

黎應揚

江山秀

潘達

黎應辰

蒙九錫

順治元年我

世祖章皇帝定鼎燕京時滇蜀黔粵未隸版圖丙戌王師西下流賊張

獻忠死於蜀其黨偽平東將軍孫可望率醜類破永甯陷遵義丁亥正月竄入黔省官軍如鳥獸散賊劫原野道路絕人烟定番州牧陳新第蜀之長壽人能禮士素得民心民戴之若父母聞變集紳士土官州民於公堂商堵禦策貢生饒謨有智略合紳士條陳事宜新第大悅會按察使張耀參議曾益都司陳瑞徵知定番弓弩手張甚抵州籍粟生司募兵為恢復省城計而省城之寇寇於州者近萬家於是備器械儲糧糗濬城隍架鹿角警烽火選精銳飛檄韋番為守城小程小龍為左翼方番洪番為右翼金石羅番盧番為應援又築壘以扼敵以威遠守備陶世顯為右師軍土橋大龍土官龍在田佐之勇士簡成書為左師軍洞口臥龍土舍龍起潛龍飛佐之張陳諸公坐中軍調盧山木瓜等四司由椒山出水車抵靑巖繞賊後以斷糧道木官通州等四里由平伐趨上馬張旌幟以為疑兵布遣精詳眾志成城矣正月十八日土官龍在田敗賊於小山斬首四十九級二十二日土舍龍起潛龍賊於長田斬首二十九級二月初五日陶世顯敗賊於土橋斬首百餘級生擒二十一人可望憤甚令偽定北將軍艾能奇師號五萬初九日攻洞口成書與世顯率銳卒更番迭戰斬賊百餘人無何二路失期敵眾我寡

碑傳一百一十七

四

右師潰陶世顯龍在田龍起潛龍飛等血戰死成書孤軍難支而賊已分兩路直趨東北關矣旋圍城賊逼城下城上萬弩俱發賊傷數百人賊少卻空西門以誘我軍弗動戒備甚嚴越翌日賊以礮攻城雉堞毀則易以板板壞則易以木賊無計以銅牌書硃字諭降新第毀其牌而擲之能奇躬親視城成書以藥矢射之中左臂處戰歷三晝夜矢乏則繼以白石石乏則繼以糞無少懈賊欲退俄而賊軍師李自旺者號老神仙手執白雄鷄披髮仗劍以石灰畫地繞城而詛十二日巳刻城內火忽起入爭滅火賊乘勢登城東隅而城陷矣州牧陳新第肅冠帶北向拜曰臣力竭矣縊於署內之馴鹿堂參議曾益題絕命詞縊於道署學正尹夫任縊於明倫堂訓導徐鏞吏目安紹祖廣順奉調吏目周齡六按察使司獄陳玉環俱自經鄉官顧人龍妻李氏對縊中堂子諸生大完抱父母屍哭不去賊並殺之尹思民賦詩壁間投筆引繩死黎維垣城上督戰死胡允中冠帶坐庭中賊至允中叱之賊刃死皆州紳也時賊轟滿巷饒謨大呼曰我輩宜死戰於是諸生王道中顧從龍黃文秀李一龍夏朝卿李二龍毛一練尹湯傳尹湯卿熊化楊東明唐璉賈翰張新建王仰王基昌土官程民悅韋帝臣土舍韋之福勇士簡成

書把總許華宇等奮勇力戰至學壩成書猶裕殺數賊同時百五十餘人俱戰歿舉人毛琛投井死原任教授艾養中諸生周卜年尹湯賓熊鍾隨鄉約杜凡六赴火死諸生謝賜璠黎應陽江山秀潘達黎應辰投泮池死張承祖妻吳氏大哭曰我等義不受辱遂相率而赴蓮花池者數十人焉張耀陳瑞徵與賊巷戰西隅日哺被執能奇曰公吾梓里也幸降我耀曰汝爲賊吾爲朝臣何梓里之有瑞徵亦大罵之同遇害武舉蒙九錫亦在執中能奇曰汝何不早降九錫曰汝何不降我能奇手射殺之是日也刀聲如礮響血甚流梓城中數百入上自官司下逮婦女無一生者而賊之爲我殺也亦損其二日暝天忽雨點紅於血賊懼十三夜卽旋省至桐木嶺能奇藥發死於道豈天厭其惡而假手於成書耶滿城瓦礫白骨邱聚四鄉不入城者凡三月臥龍菩提寺僧狂姓者有善行備人拾遺骸聚東關火而瘞之俗呼爲萬人墳康熙四十五年郡人士請祠祀不果行刺史王公旌其墓曰忠烈

永安令高君咸臨小傳

嘉慶

君名咸臨字與侯高氏杭人祖汝梅嘉靖辛酉舉人知福甯事以廉薦第一父時亮萬曆乙酉舉人君家世清白爲人慷慨好義少補仁和學

生

碑傳一百十七

五

國朝丙戌以拔貢隨征福建署永安縣事時值草創邑無完城君設法繕葺撫民校士斬然條理丁亥二月總督張存仁返浙道出延平凡州縣吏迎謁者率舉永安高知縣相策勵於是疏題實授未幾鄰郡建甯失守君方預憂不測而五月大水邑城復壞君乃重修雉堞操鄉勇申請大兵爲固守計方是時土賊皆假恢復之名富戶輸餉給劄貧丁執械從行其渠魁皆自稱王如鄆西新建石城順城甯陽宜春等號指不勝屈皆各破其縣執令尉殺之自建甯至永安將樂順昌尤溪大田沙縣五縣悉被屠戮而永安有林土陳泰梁欽者明季所撫土賊也是復嘯嶽剽掠八月初九日突至城下鼓譟君出諭之不聽入城閉門檄郡請援久之救兵不至食且盡君雖親率兵民防守而城中民與賊多姻連日獲閒謀殺之猶不止九月某日背城出戰斬賊百餘生禽賊數百人禽獲頗夥賊愈恨合五縣之賊併力來攻十一月初三日城遂陷君與典史某教諭高宗顯同死之事聞

詔與祭葬加級廕子當公之死也家屬皆被害子幼不在署惟馮以揚



抑之者同難今年八十餘矣爲言其事如此且曰君丁亥春以杖殺密  
密教首欲古墓樟木造舍彈鹿耳取怨貢川地方其後破城之新建王  
貢川人所擁也故必欲殺君然賊中有何引祐者閩人客閩素知君清  
正有幹略力勸收用賊意亦解而君抗節不屈罵不絕口遂遇害云  
學史氏曰帝王之興也率曰天與人歸先儒爲善言天者必驗之人余  
竊謂人者非蚩蚩之氓之謂其必豪傑有才節足係興亡之數者也三  
代而下一姓崛起當其四海未一而已有人焉爲之仗節死事則王業  
必成蓋比比然矣若君者豈非所謂人者乎顧以時方用武地偏職卑  
雖邀

朝典之榮而士大夫鮮有能道之者日遠日忘漸就淪沒是誠可哀也

吾友錢穉廉平生好稱述忠孝而與君之子某中表兄弟來求作傳以

慰其孝思余感其意爲之敘次如此

楊公振傳韓程愈

楊公振名麟武荊州江陵人少有異姿讀書一目十行九歲傲洛神十

三行有子敬風骨稍長隨父任理維揚得徧交東南知名之士貧者贈

以膏火滯者飾以名譽三吳之士翕然推之已而父沒於官公振哀毀

逾禮楚人比於江夏黃童服闋大肆力於文章每試必冠軍然公振名

族家素封又名高一世以故惜廉名者不敢薦取累科竟不第有王參

元之阨焉明季全楚蹂躪於賊人不聊生公振遂流寓吳越閒又數載入

閩時旅愁日蹙簞瓢蔬水不繼而楚之賢大夫從龍列顯達者指不勝

屈公振則獨守清操終不以可憐之色向人大兵入關黃臺師潰流寓

主善並令投誠公振乃出見當道當道偉其人試以文辭大見賞識遂

刺化州化爲高雷要衝依山爲治大兵所臨民多負固公振急於自見

無所撫綏失柔克之道以故兵去而盜起數犯州城城中哀鴻未集戒

嚴不解民無以自活外救又不至賊遂乘勝入縛官於廳冀一俯首下

卽生全之公振屹然如山嶽罵不絕聲賊罵割其舌公振又以血噴之

賊怒鬱於市化人多惜之

本朝死節之臣自楊化州始制府聞之匿不報而以病卒達部將以掩

其失城之咎也嗚呼惜哉

佟養甲傳國仕通志

佟養甲撫順人隸正藍旗漢軍

太宗時直內院理事順治二年以總兵官銜從貝勒博洛南征明年浙



庭宗人憐其母節子孝啟宗祠召父老謀所以送死全生者諸父老咸  
於邑競贈之奉母十餘年以孝稱母卒公子處草廬哀毀壁立見人讀  
書輒慚慕曰宏才力不能為親竭身不能為君致有志就傳而乏脯脩  
柰何父老素信公至性為言於戴山劉先生先生壯之列門下因得步  
獵經史曉大義公狀貌偉傑鐵眉上指目光燦燦如炬性壯烈優藝勇  
少時善手搏強者罕與敵受學後抑損若懦夫嘗之野為收奴置塗人  
為不平激公鬪曰陶耶故勇何在而忍辱至斯公曰吾雖弱奴豈我敵  
哉顧欲養吾勇為國家用耳兩應童子試不售遂北上由三考出尉東  
安遇事敢為令屠公應旂器重之順治五年秋賊劉東坡勇悍倍常有  
邪術能作霧盤踞渾河左右薦食都鄙官軍莫敢近冬十月虐延東邑  
民詢詢令時詣會城未還攻城急公掀髯歎曰此吾致身時矣厲兵戎  
服升縣堂鳴鼓集眾誓曰宏才受

國恩義當死爾曹亦

天子民將何為眾皆泣曰公莅東安適歲侵民饑且死會大尹臥病公  
慨然身任狀民疾苦伏撫轅三日獲請向微我公東民尚有子遺耶生  
屬公生死隨公死戰守惟公命公身率軍民三百餘闚西門大呼驟出

國碑傳一百十七

奮勇擊賊賊敗斬首數十級公生擒賊將四人以旋軍民咸鼓舞賊益  
兵攻城不克乃詭挑公戰綏甫交連佯北躡至落岱村西坡忽黑霧彌  
天並轡不相見眾潰公知中術策馬突陣當者披靡以後勁無人遂被  
執賊募公藝勇手釋公縛公喻以大義使歸命賊笑舉酒壽公穢誘百  
端公瞋目喊誓皆裂血濺賊面奪刀刺賊不中殺侍賊數人而公身已  
無完膚矣遂自刎賊滅甚解其肢而醢肺肝生食之懸頭於纛掛腸  
於竿以示城中民皆慟哭聲震地塞門增堞以死誓年十六以上者  
爭持瓦石登陴投賊令亦請兵來賊宵遁包賴以寧東安之有滿兵駐  
防實始於此公卒年三十八苦貧未娶署惟一僕力不能  
上聞蒙卹典出民私祀之歲時布奠鮮不涕零迄今猶歛歔稱道公忠  
烈弗衰事詳東安縣志又其時有一少年聞公被害悼甚操戈馳奔欲  
復仇會門塞不得出乃呼號從城上躍下腸遂手捫腹躑躅數武仆地  
死後收其屍淚痕塵膩手不去戈亦義士也惜姓名不傳恐同公湮沒  
故并誌之

黃太僕廷柏祠碑記 稀會笈  
太僕公者何撫黔都御史黃公國材大父也稱太僕者何公贈官也公

諱廷柏遼東海州人少失怙事母至孝性敏而嗜學博通典籍年十八為諸生名噪冀序十九居母喪哀毀廬墓撫諸弟極友愛待戚黨朋友恩義兼盡順治初以薦授靈璧尹有異政旋擢知大興縣事未幾復以績最

簡任汾州知府公由諸生不四五年起家至刺史轄數百里感恩圖報

受命之日卽不問家事誓以身殉泣汾朔月百務具舉汾民日有生色會大同總兵姜瓖者故李自成黨也久蓄異志順治戊子冬乘閒竊發據鎮城為亂明年已丑分遣偽屬姜建勳統卒萬餘由左衛趨雁門騷動全晉夏四月突至汾圍城數日公雖訓練有素備禦多方而是時承平未久人情惶惑公正竭力調度為守禦計而惴惴者咸以孤城難保勒公無櫻賊鋒姑暫避待外援公大怒斬言避者於是人皆奮志助公守無二心公淬勵其下登陣捍敵日夜不解甲且募敢死士劫賊營賊駭懼幾散去已復合圍攻益急城遂陷公率眾巷戰自辰至午手格殺賊數十人會大風晝晦賊乘公遂被執賊好語誘降公怒罵不已賊斫公吻血淋漓公以血洒賊罵益厲賊遂殺公公死不仆至九月賊平時

碑傳一百一十七

九

人猶見公為厲時弓矢殺賊賊以敗嗟乎三晉之當明季也崇山複嶺深林邃谷阨寒險隘之所賊往往盤踞為巢穴

國初雖翦除莠蕪漸次削平而餘氛遺孽伏莽尚多姜逆之變奸究潛匿者咸思望風響應為城社狐鼠賴公驅報國諸郡邑長皆膽張氣壯効公死守賊不得逞以故速即天誅使公不死人心猶豫觀望賊欲益熾晉之為晉未可知也然則公為德於晉人厚矣其有功於朝廷亦大矣宜我

世祖之優加卹典

今皇帝之特予祠祭而汾人思慕景行歷六七十年而不替也歟予生也晚不獲親炙公行事願先人氣節與公成臭味之投而公孫文華先生方為國柱石臣余竊附同朝且表揚懿美以激厲風俗亦學使者之責因詳書其事以遺汾人使刻石而記之為後世事君者告

贈按察司僉事陵川令李公向禹殉節傳張九錫

順治初年陵川有殉節邑令曰李公陵川城彈丸踞太行頂石會關奪火鎮卽古孟門白陘谿一綫扼三河腰膂天下有事凡批亢擣虛以爭大勢者皆由城奪隘道出入田悅所謂腹中眼險不小明季流賊破

皆入晉焚掠最慘公至兵燹甫定招徠撫綏悉心籌畫民恃以安未幾大同降將姜襄叛三晉騷動將由邑隘道窺山東至城下招公降公立敵樓叱罵曰爾釜底游魂

天子貴爵罪仍授節鉞何負於爾而背恩反爾肉行且餒狗鼠鳴鳴爾何敢越吾境吾卽爲厲鬼必剉爾太行坂下賊叛後守土皆望風逃獨

公嬰城抗厲氣稍奪且惡圍益急城經喪亂不固竟陷賊執公甘言誘降公罵不絕口遂遇害公妻王氏知城必陷先二日率二女一婢同縊

死署後堂而王師已從潼關渡河進剿大同賊悉其黨迎戰平陽盡殲焉逆瓌伏誅公以弱書生守危城倉卒遇變手無寸鐵赫然奉威靈憤

數其罪日蹈白刃使叛帥計沮膽誓不敢出隘道窺山東一步城雖暫失王誅速成統論大勢次捍障功與全城等公死後八年

朝廷始聞其事贈公按察使僉事妻恭人二女皆有卹祀公名宦祠蔭一子入國子監讀書公諱向禹奉天鐵嶺貢生

湘潭張九鉞曰明季澤潞副使王肇生禦陵川流賊陷陣死其裨將董時增甯朝鮮陳承業張承寵皆殉之見諸史

國朝定鼎甫六年而公隻手殉城闔家死難悲夫視前史更烈矣余獨怪公死八年後鄆城黃君名燦始上其事豈前之令茲邑者皆洪涇竊

祿見義不爲者耶若黃君者可謂勇於義矣書之亦以慰公於地下也黔陽令周文奕傳

周文奕字穆仲浙之海甯人順治丁亥進士謁選得楚黔陽令黔陽故梁龍標地鄰五谿民獯讎處王師平一海內辰沅獨後屬以降將陳

友龍鎮靖州而文奕始來爲令旣而友龍背義復叛邑有羅翁山周五百里四面險絕絕頂一池縱廣千頃友龍窟宅於是頻出圍城文奕聚

殘黎二三百家悉力固守來則輒擊退之相持六旬一日西出略地卒遇賊金橋橋距邑二十里而士卒不滿百賊眾我寡被圍百里文奕率

所部奮殺一日夜矢盡援絕平明賊益大合服公忠義不忍加刃誘令倒戈文奕瞋目大呼罵不絕口遂與左右賓客等八十一人同時被害

時順治六年七月也年三十有五妻妾在縣署報聞一自經死一躡身入井死

補史氏曰文奕無子死事後其宗人爲立一子曰孺而大吏未之知也故不得贈卹後孺之子光錦號於當事又不見報錢唐顧之珽撰殉節記予特取而刪潤之爲後之有史職者告也

辨正許公鴻儒殉難事 賦學

故贈按察司僉事柳州羅城知縣許公鴻儒順治八年不屈於賊死距  
康熙二十二年太平修邑志僅三十餘年紀載者不知考據謬撰事蹟  
余少採鄉里舊聞補為公傳亦未得實續姻戚李文秋水宦廣西即公  
殉難處託訪始末又得公同時至親季永軒先生遺刻內有哭公詩題  
下敘公事甚詳於是乃得舉從前諸譌而一正之蓋公死于西師之變  
不死于土酋其死在到縣一期非之任日桂林即失守援絕與公同死  
者惟長子承昊若幼子承薦則病歿長沙其弟重然又自沙輦趨羅城  
中道先歿於賊云弟男五人俱遇害者亦誤也公先居邑之松門松門  
明季為衛城濱海重地嘉靖閒數有倭患其地之人多以戰功顯公亦  
將家子故被服儒素而於孫吳料敵及攻戰防禦之術皆所熟諳順治  
己丑以明經舉時大師未進克粵西大將軍以公才請公隨行軍中密  
謀公多與焉辛卯桂林既下同事分方之任公得羅城攜承昊同往民  
情未定賴公綏靖諸廢俱舉縣有起色王辰西兵驟入省會告變定藩  
自焚州縣一時皆潰獨公猶為

碑傳一百一十七

十一

城危于累卵而公願與承昊日夜督民繕完召父老激以忠義閒出奇

兵撓賊賊益怒悉眾來攻勢迫或勸公易服走公曰

天子命我守城城亡與亡有死法無走理蒙恥求活奇男子不為也城

陷給賊取朝服北望拜遂罵賊死承昊亦遇禍初公偕二子一弟相率

之官先後罹凶無一存者踰二年廣西事定仲子圭始萬里奔喪哀請

贈廕葬祭得

旨贈廣西按察司僉事予祭一通文略具邑志中入鄉祠并蔭一子入

監而圭未久流寓江西貧甚廕遂懸順治十六年海寇松門被遣公

諸孫族人轉遷澤庫及他處踰三十年松門新氓無能言公事者繆襲

傳會蓋亦有由也公之後人南英與余同里新請于上憲得奉公祀余

為之喜因為考公殉難之實而正其傳之訛并錄永軒詩及小敘俾藏

之手家以俟後之修邑志任紀載者而余舊所為傳亦可以弗存

平樂府知府贈太僕寺卿尹公明廷墓志銘 施開章

尹氏系出周吉甫始家齊之臨淄元末遷為吳縣人累傳至君考諱天

章始以儒顯君諱明廷字莫階孝謹溫秀向氣誼所與游皆名士為文

揭揭耀一時順治己丑登進士除廣西平樂知府故事知府秩四品例

不得初授是時王師方略定兩廣官皆從軍地尤荒遠數叛服故特用  
異數人猶趨起憚行君獨慨然亡畏色崎嶇長沙衡永閒一歲始抵郡  
確壤惡灘猺獠錯處兵火後白骨委地民竄走山谷中君招徠摩撫掩  
蔽閩野申要約禮羈舊延秀良毗庶蘇蘇若危贏得藥粥兵卒有躡轅  
吾民者君力戰之弁者此兵至以身受齧齧不稍悔祿入不贍脫其妻  
手釧質米分守周公承緒巡按王公荃可聞之改容稱歎曰是真良二  
干石而握兵吏頗不懼順治九年秋七月寇陷桂林定南王自劉死潰  
兵淨戶自離江接昭潭遠近震駭君募勇士誓死固守十餘日而郡城  
庫薄呼援兵無一至賊入脅降罵不屈斷一股二臂至死猶踞地罵郡  
人為泣而瘞之死所事聞

天子嗟悼詔贈太僕寺卿賜祭葬廕知禮初平樂之聞亂也刑部主事  
施閩章奉使在郡歸必道桂林君謂省會危機不可蹈留治裝東下蒼  
梧已而桂林報陷乃置酒與閩章訣曰君使客也宜亟行某守是死矣  
余泣下君猶強飲語笑如平時其志定也死之日為順治壬辰七月十  
八日年四十三夫人徐氏明翰林詹事汧之從孫女生二子長正始吳  
縣諸生今以廕入監讀書次正雅女一嫁虞山陸氏君殉難之明年六

神傳一百一十七

三十一

月正始從閒道奉君骨歸又三年走山左來乞銘余故君同門進士最  
相善君又嘗脫我難讀其狀慟絕銘曰

生東吳兮死西粵嬰白刃兮氣不折昭之人兮腹斷絕昭之水兮聲鳴  
咽振令名兮君莫哀

寵命卹兮天昭回遊大荒兮魂歸來君騰而上兮閭闔開

徐將軍勇傳彰而述

將軍名勇字英吾河東太原靜樂人本姓高長於許因譌為徐少孤生  
而燕領虎頭異羣兒時甯武總兵許某榆林人五十無子聞公奇異養  
為子母某氏與其同母女弟俱隨之往康官署中稍長習騎射許公器  
重不啻己出會許公罷官歸里將軍年可十餘偕歸姑臧時里黨皆以  
為許公子也會許公他姬生子視公稍有閒心何許公又死公與其從  
兄有讎毗嫌遂慨然曰大丈夫自取封侯耳時萬曆末年彗星竟天海  
寓方有事將軍遂別母與其女弟仗劍遊關東時年十六矣聞劉杜兩  
將軍之事竊心慕之曰男兒東髮從王遇明主位上柱國此其事優為  
之行任中聞公言所然而笑曰若不箠老馬廐下足矣望富貴談鄂節  
徒夸耳也何公年二十以斬馘功晉百夫長次晉遊擊將軍烈宗末叛

卒起西涼寇河西汾晉繼躡河北尋渡而南墮名城劔王師所在見告  
秦楚江豫開騷然矣樞臣徵關外畿內兵入勦公與焉先是鄖撫袁繼  
咸見公貌奇之特疏題公鎮鄖公與巨寇八大王過天星一斗粟革里  
眼等諸渠帥大小百十餘戰鄖斗大萬山中四面援絕相齧六七年獨  
得無恙公力也甲申變作宏光紀元公以屢功進都督賜蟒玉公見南  
渡草創權相馬士英官以賄成又武昌左良玉紀律久隳流毒江漢關  
東諸侯無一人以討賊爲念者公自揣孤旅滅寇無力屢用太息會天  
啟

皇清掃清畿甸長驅關陝自秦捲楚而下良玉東逃國賊李自成爲英

王兵斬於匡山之麓公先是領鄖兵防承天至是乃統所鈐將士降英

王王喜曰此胡子將軍也問守鄖城七年不下者卽若也何降也將軍

曰除賊大義也復讐大恩也勇等馬往於是王承制乃拜爲大將軍開

府黃州開四十八砦丁亥移潭州賊帥一隻虎攻潭率賊十餘萬相持

十六日夜矢石如雨陞上人眼生瘡公開突門大戰賊以失利去自此

洞庭以南滇黔百粵閒人人胸中有一徐將軍矣

朝廷嘉乃功又以辰州爲滇黔鎖鑰移鎮辰常時賊中有逸出者云賊

是日方高會羣黨於銅鼓山上調知公旌節屆辰託曰我輩無東門矣

筋部下健兒曰此人有威名在先守鄖其後守黃守長於用兵苦慶

戰誠勁敵也吾輩志之用是鍊象兵鍛火器凡屬鑊鏃扶揄純鉤三

屬之甲纓胡之纓以及藥弩毒矢百倍於前每入犯戰輒不利爲將軍

斬將擐旗者一年之中以數捷計於是將軍大喜曰此鼠子不足憂也

今須截其頭置昆明耳順治九年七月賊復大至將軍披甲提刀斬

名渠數十人及生擒者舟解武昌總督羅公上其事

朝廷賜飛龍曲柄蓋及所御偏裨毘留犁刀若干公念益感激激不有

其身賊憾甚爲舉傾國之兵以來於是年十一月二十二日又至圍城

三市城上礮石矢鏃如雷祥雷赴殷鞫天地爲昏山谷震動賊正欲奔

亡無路適公裨將張鵬戰西門外中創落馬舉軍喪氣公親上馬大戰

手格殺數百人城東門忽爲象坐開羅兵爭進公舉兩刃長劍直刺

象鼻象受傷痛怒噴血如瀑躓躓狂吼陣馬驚走公遂爲亂兵刀刺左

脇貫中墜馬而死公有子四人妻妾若干皆自焚辰陷其女弟李氏出

萬死中陳情年餘經略相公洪偉之爲請卹典

天子聞而歎焉奉明詔贈光祿大夫祭祀立祠有差蔭其從子自貴二



品官十三年丙申辰開自貴歸其骨葬漢陽山麓傍母塚旁

彭而述曰潭州之役事在戊子冬子領兵守西門與公同事爾時賊

眾城危公已有死之心閱四年乃踐斯言於辰有志者事竟成也是年

粵西陷定南王孔有德闖門自殺粵事在七月辰事在十一月一異姓

王一將軍俱忠於所事烈已此其人先朝能竟其用豈不易地皆然哉

子既詮次其事做九歌國殤復系之以歌曰維

今皇之御宇兮歲在辰維將軍之節鎮兮州亦曰辰象鼻捲山兮城以

崩將軍劇戰殊死兮帝胡不仁大別之山兮襄我江漢下走兮蛟龍盤

過將軍魂兮安歸殘骸兮惟母是依卹典優渥兮

聖人曰念哉為厲鬼以殺賊兮辰州又開

又徐將軍傳翟鳳翥

將軍姓徐諱勇字英吾太原靜樂人也長子榆林之榆和堡少孤有誓

力善騎射年十八別太夫人與其女弟仗劍遊關東聞劉杜將軍事歎

曰大丈夫束髮從戎位上柱國襄革疆場垂名萬世本等事耳以斬馘

功拔百夫長尋晉遊擊將軍崇禎末楚豫寇益熾特命左良玉統兵援

勦將軍與馬鄖撫袁公一見倚重特疏留鎮鄖襄凡七載與獻賊大小

百餘戰鄖保無虞四傳傳一百一十七云

率眾降王喜曰此胡子將軍也聞守鄖七載不下何降耶將軍曰除賊

大義也復仇大恩也勇焉往王承制仍拜大將軍開府黃州削平麻羅

等寇丁亥移鎮潭州一隻虎以十萬眾圍攻十日將軍突門大破之賊

引退潭人庚癸祀焉

朝廷嘉悅以辰常為滇黔鎖鑰非將軍不可加左都督鎮之賊方高會

銅鼓山詫曰我輩無東門矣鍊象兵毒弩來犯凡七閱月或以奇殲或

以正斫殺賊無算賊又引去總督羅公上其事

朝廷賜飛龍曲柄蓋及所御偏裨犀毗犁刀次年賊復大舉圍攻象衝

東門將軍以長鉞刷象鼻象噴血如瀑跌蹙狂吼馬驚走為亂兵剝腦

死之子四人妻妾八人俱自焚事聞

朝廷憐馬經略洪公為請卹典其人武備雖衰其民益不

詔贈太傅蔭姪自貴世襲二品官勅葬漢陽西山麓諡忠節建祠楚南

長街之右祭九壇子奉

命行禮詳稽其事遂為將軍傳

台州守備鄭公之文傳

大體

其

西門典公同事

事

事

事

事

事

事

事

事

事

事

鄭公之文字真卿號表素休甯新屯里人少從父賈于山東之臨清遂用臨清籍中順治己丑兵部進士官浙江甯紹台道中軍守備守台州時

國家初定鼎闔賊鄭成功據臺灣數出剽略為沿海諸郡患而山寇乘間竊發台尤苦之公至則扼險以遏羣盜之出入用謀擒斬其魁捕殺略盡民以安堵守台五載為順治之十三年叛將馬信作亂公手射信斃之其明年鄭成功遣賊數千用木罽法人挾磁罐罐插荷葉潛浮海乘潮而上公望見知賊計亟登城守賊果大至攻圍月餘城陷循巷戰殺數百人方屈被執賊愛其勇暫降之不從絕粒五日不得死罵賊賊怒倒縛公于雲梯鞭之罵益厲遂殺之取其首而去有僕朱姓者走賊營求之哭不絕聲者數日夕賊義之歸其首乃得殮而歸骨于故里焉當公之至台也以二妾一女從至圍急公語之曰城陷吾義當死汝等各自為計二妾曰君不負

國妾忍負君即自經死女年十二亦大呼觸階碎首死凡從死者十有八人公配畢氏以不從公于台故得全康熙二年詔求公後公一子早卒以兄子以祝嗣子世職拖沙喇哈番以祝卒子

碑傳一百十七

十五

賢政嗣賢政卒襲滿絕封乾隆三十二年復有旨錄綠旗死事者後得十有四人而公為之首命襲職恩騎尉世世勿替

徐僉事尚介傳

楊藩

徐尚介字于石號雪柯湖州德清人順治十五年王師已定廉州以尚介為靈山縣知縣縣在兩廣交時廣東廣州肇慶廣西桂林皆未下山海間聚兵者尚眾尚介至縣一月敵乘虛來攻尚介率兵士登城敵稍卻而守將忽與敵兵合城遂陷初尚介之莅縣也縣中居民數十家尚介勞徠有方而守將有武志深疾之至是欲生降尚介尚介呼曰余靈山縣知縣徐尚介也誓不為不義屈率子修及僕朱貴等巷戰力不支遂遇害修及貴皆死之時十五年七月也事聞贈尚介廣東按察使司僉事廕一子入監讀書人稱忠孝節義徐氏云

人稱忠孝節義徐氏云

遊擊將軍贈參將胡公其僕墓誌銘 張能錄

今國家重錄死事之臣於是中林腹心之士無不救乃甲冑敵乃干櫓  
乃鋒刃思敵王所憐以奏凱鏡之績矣余蓋念胡君之死而至今不能  
置於中也會其兄其偉從京師來晤予青州憲署乃手胡君狀長跽請  
曰惟昔蜀雅之役亡弟以單騎死戰公所目擊也死而以狀聞幸邀  
贈蔭公力也忠魂浩魄幸獲歸邱隴公之惠也有子而得顯榮其身以  
無隕吾先世業公之仁也今墓開片石泐之久矣非藉公言其奚以慰  
弟於九原徵信于千萬世偉敢以不朽之事請予以胡君之死壹似有  
不忍言者而為于萬世徵信于胡君也則又何能辭按胡君之先有諱  
敬先者明永樂初從龍渡江有勇力能日行三百里以功授金吾左衛  
指揮使賜永定門外五里鋪莊田百餘頃因名其地曰胡家村永定門  
外之有胡家村自敬先始也故為胡氏始祖歷八世為君父心吾公公  
諱楠天性慈愷有長者風襲錦衣衛實授百戶具有韜鈴幹略軍政上  
考歷掌三司印務兩司理刑君武為次子生而頭角嶄嶄心吾公早識  
其為異器矣諷誦詩書輒磊落有忠孝大志乃以將家子中順治乙酉  
科順天武鄉試明年丙戌成進士初任山東登州府成山衛掌印守備

碑傳一百十七

十六

兼管屯務成山偪邇大海自君至波為之不揚屯無道賦矣既遷江西  
提標左營中軍都司章江鯨鯢斂跡兵安伍民安市彬彬乎祭公之投  
壺雅歌叔子之輕裘緩帶也隨陞四川撫標中軍遊擊兼轄左營事署  
松潘副將會蜀寇郝承裔投誠復叛據雅州侵掠四出時予奉簡書分  
守上川南甫任二日督師大司馬李公即檄監軍而李公復稔君忠勇  
夙著徵調赴邗余故喜得胡君先聲奪人以勇敢為士卒倡也方是時  
兩路進兵一軍嚴總戎由嘉州進一軍鄭提督由新津進君率撫標兵  
附提督為左右翼會鄭編躁兩軍未合先趨邗雅界寇忽磨至鄭倉卒  
破圍君即單騎直入手刃數十賊賊驚駭鄭得脫寇隨舉火器攻擊中  
君頭額負傷重猶奮力死戰潰圍以出遂死蓋辛丑正月二十八日也  
予時在帷幄中為之心壯寇平以事聞部以躁進失機論嗚呼此予身  
歷行間所有事者夫援一大帥血陣中力敵以沒而猶不足自白耶予  
力為詳請始得題敘

贈參將蔭一子其柩停成都蕭寺以子幼遠在京師水陸萬里不能歸  
予于是捐俸遣家人李志仁等輿輓於其家因其親學士蘇公亮工得  
歸葬大宛之胡家村君諱其僕母呂夫人以明萬曆己未年四月十七

日生君子家距死蓋四十二歲娶劉氏生三子長鼎重卽蔭職見官金吾左衛拖沙喇哈番調鑾儀衛以原銜管整儀尉事者娶徐氏次鼎彝娶曹氏次鼎新未娶竝業儒女二長適太學生楊國模次適尤介臣業儒嗚呼胡君其可以不朽矣乃爲之銘銘曰  
生于斯窆于斯繩厥武大厥貽於萬斯年忠魂無不之



吳碑傳一百十七

生平視察于浪跡淵雅大風傲然高潔平想養職不立

碑傳集卷一百十七 貴筑黃彭年編訂

碑傳集卷一百十八目錄

忠節上之中

通議大夫總督雲貴兵部侍郎兼都察院右副都御史加贈榮祿大夫

兵部尚書諭忠果甘公文焜神道碑王熙

父附甘忠果公傳後序倪悅

四川保甯府知府劉公愈奇殉難記梁賓

侯邑殉難明府劉嘉猷傳王之儀 喻三畏 彭鵬

陳忠毅公丹赤神道碑鄭開極

又甲寅殉難溫處觀察陳忠毅公傳馬璵附 彭鵬

又陳忠毅公傳徐傳

甲寅死節閩分巡海道陳公啟泰傳彭鵬

又滑令陳公遺愛碑闕

詔安守備劉公超鳳傳郭審鄰

諸典史士英傳陳世附

甲寅死節進士葉有挺傳彭鵬

黃攝尉新德傳藍鼎元

李都岡其昌小傳藍鼎元 碑傳一百一八目

李張白何列傳于國璋附 藍鼎元

李成功

張善繼

白虎

何亮

澳鳳營千總魯公仁圻墓誌銘魯曾世

贈光祿寺卿郭公萬國傳梁熙

海澄公贈王爵忠勇黃公芳度傳朱珪

陳忠愍公福家傳錢大昕

通議大夫總督雲貴兵部侍郎兼都察院右副都御史加贈榮祿大夫

忠節上之中

通議大夫總督雲貴兵部侍郎兼都察院右副都御史加霜榮祿大夫

雲貴總督甘忠果公文焜神道碑王照 三年歲次甲子春三月其子國均持所自

為述及御史大夫徐公所為誌銘以來拜而言曰滇逆之變先子死于

封疆荷

聖主非常之恩褒恤贈諡超軼常格終始之寵盛矣惟是螭首龜趺揭

子墓隧以表著大節而昭示于無窮者尚未有辭焉敢以為請謹按甘

之先世為江西豐城人後遷廣南明初有受和者從征遼東以功授瀋

陽中衛指揮僉事距公六世數傳皆守其職至公曾祖九官始以孫應

祥貴顯贈驍騎將軍都督僉事充天津總兵官祖崇賢不仕考應魁直

隸石匣營副將二世皆公貴贈通議大夫都察院右副都御史配皆淑

人公生而英敏自幼好讀書善騎射平日以忠義自許年十九由國子

監官學生選為兵部筆帖式累遷禮部啟心郎以練習儀章奏對軒朗

受知

世廟常奉使冊封東粵及高麗贊喜之外言不及私蓋禮成加敏歸無

橐裝有古人之風及

皇上嗣登大寶擢大理寺少卿轉順天府尹尋陞都察院右副都御史

巡撫順天等處地方轉兵部侍郎兼前職總督雲貴軍務公為政善持

大體廉靜不侵利權俾僚吏各舉其職理民以惠利為先恤災捍患常

若不及至于平亭冤獄決斷如流遇事風發不畏彊禦則剛勁之守有

賁育所不能奪者故能臨難堅貞蹈白刃而無悔大節凜如也其在

理奏讞明允不徇意見獄無冤者京師地號神臬百貨輻輳積蠹窟穴

其中最為難治公因崇文門權稅不平列狀奏上時廷議方罷諸權使

歸監稅於有司因令公兼攝公固辭曰臣言之而臣居之是自以為利

也逾年遂以清慎廉能擢都察院副都御史巡撫畿內數延見父老吏

民問所疾苦得銅墨吏以上不職狀輒移檄詰責之往往解綬去是年

屬邑淫雨為虐歲大飢公以便宜勸諭富民出粟而身竭資以先之民

皆樂從會

皇上時巡恆郡公因而陳疾苦請蠲被災者兩稅得

旨除免既受命總督滇黔至則嚴飭官方緩懷荒遠革宿弊之不便於民者先是二省官吏秩滿及藩下往來者皆取贏於負販驛卒不給輒僉派里民謂之協夫徵發無虛日公嚴檄所屬禁止仍具疏請停爲著令民賴休息日夜訓習戎事約與諸將卒同甘苦功罪共之人皆感奮時逆賊吳三桂方握兵柄欲假權以自固報稱康東犯邊其實無有也公智燭其僞置軍書不答而會師向凱里凱里者歷代未馴之苗也其種有九股四十二寨盤踞深崖絕筭間數出不意侵苦郡縣公計蠻獠憑阻谿洞攻討延引歲月難與持久苟鼓勇裹糧深入禽獮而蒿蘿之不難也乃自引銳卒薄其巢穴未浹旬而渠魁殲滅羣蠻斂手其旁聞風効順者又數十寨公擁得勝之師還問康東所在三桂知奸計不行對曰小醜懼伏遁走矣無何遭李太夫人之喪公聞訃哀毀骨立疏請終制

上念封疆事重不允其請而特准給暫假歸葬前此三桂已陰圖僭逆畏公未敢即發比公營葬北歸乃盡調督標五營兵赴滇私恩約結及公復返未兩月而三桂作亂一時變起倉卒公聞報即急遞上聞有城存臣存城亡臣亡之語聞者皆爲隕涕時方出家財享軍欲西向普安

碑傳一百十八

以塞由滇入黔之路而提督李本深已助逆襲據貴陽公念鎮遠爲貴竹咽喉守此則外調楚師可以刻期掃蕩乃即省署縊其妾盛氏率子國城及二筆帖式輕騎赴之至則守將江義閉門從賊官兵不得入矣公知勢不可爲乃下馬北面拜曰臣死封疆此猶黔地於是命國城先縊隨抽佩刀自剄於鎮遠府吉祥寺前時康熙癸丑十二月初八日也越五年廣東撫臣馮公以其事聞

上爲之震悼賜祭誥贈兵部尚書進階榮祿大夫諡曰忠果以旌公忠又二年黔地悉平其冬十有二月

特旨命公子國均等往迎其喪舟車道路之費皆仰給縣官不以煩其家尤爲特恩異數云貴撫楊公又陳奏公殉難始末吏民巷祭野哭者千里不絕於此見公之遺澤在人忠義之風厲者遠也公生於天聰壬申年十一月二十四日未時距伏節之歲享年四十有二

賜塋在京城西郊斗府閘之原公娶程氏長史公女封淑人子七人國均國培國基俱現任府同知國城從公殉難國奎國壁國坦俱官廕生孫四孫女二其姻族俱詳述中不具載嗚呼方公遭逆藩之變其時患生肘腋使少自濡忍則名節一失萬事瓦裂而公臨難不惑志存恢復

迨夫事勢已去乃從容自裁其所以處死者審矣厥後  
皇威宣鬯逆孽誅鉤俾忠臣義士之憤以少舒而公殺賊之志獲酬亦  
可以含笑於地下矣沉乎

皇恩隆重贈卹易名極爲優異福澤流于子孫忠義垂于

國史豈不皎然與日月爭光哉余故詳著之以爲世勸云銘曰

名以忠聞節因危見矯矯甘公令德永踐昔在容臺英聲卓起習禮辨

辭皇華專使祥刑長國廷中稱平晉尹京兆輦轂肅清節鉞畿南水涼

爲厲勸分請復民有樂歲西南要服實惟鬼方緹幢羽葆綏殿炎鄉獠

人內訌糜奔豕突深箐懸崖負嶠藏窟壯猷薄伐桓桓熊虎卷甲疾趨

深入其阻誅厥渠首脅從來威忽丁風木歸葬庭闈奉

命旋軫六詔欣怍豈期逆豎相扇爲變毒霧四塞風霾晝昏視死如歸

大節克敦氣貫長虹心皦白日殺身成仁其他何恤事聞

當寧悼惋歎嗟忠果易名

恩寵被加清風宰木悽愴餘悲封疆之臣聽馨式思生也有涯昭垂無

極後百千年過者必式

又附甘忠果公傳後序倪厥

碑傳一百十八

三

古今禍亂之所由起其伏機常深而大奸巨逆無不閉藏邃密不示人  
以可疑故其發也每致潰藩而難制然當其時亦必有先機潛哲之君  
子早窺其隱而爲之防則措天下于泰山之安有陰受其福而不知者  
矣其如習安守常之徒泄泄不察以爲權不可以預議變不可以先圖  
與時遷移隨物變化而不知養癰縱虎緣情偃仰一旦癘疔決爪牙恣  
夫然後治之以藥石獵之以弓矢雖終收平治之功曷不徒薪於曲突  
之言之爲愈乎父老往往爲余言甘忠果遺事心竊悲之當吳逆潛謀  
不軌之時諸方鎮大臣皆燕雀煦煦及公至燭其奸凡所以收人心而  
備竊發者靡不至而吳逆亦嚴憚之卒不能遽動迨既平凱里公思拔  
一二勇奮智謀之士以爲腹心備緩急之用乃議者每拘成例不聽於  
是要鎮重藩胥逆羽翼公鬱鬱不得行其志告養親疏頻上不許既太  
夫人病殂請終制又不許僅准給假歸葬及墨紱抵黔而吳逆反心決  
矣嗚呼公制軍四年而吳逆弭耳帖尾受服轉旋甫去數月禍亂遂成  
然則公之繫於封疆何如哉吳逆反形既著公移書提督李本深曰虎  
狼盤踞搖動民心揣茲事勢禍亂已熾期與聯鑪並轡勦滅妖氛本忠  
孝真性建英雄事業鐘鼓式靈共勤王事正不必俟寇涉盤江始商其



著祖鞭卽或寇孽猖獗孤城受困惟有效張睢陽南霽雲以身殉國願卽日與師禦變馳檄各鎮結唇齒以爲聲援不然者恟怛無從二三其德瞻顧家室思附前驅遺臭遺馨臺釐千里是公於此時以睢陽自許而亦以霽雲望之本深孰知本深業已投款不爲公用同城者巡撫曹申吉又復密圖應賊無一人可與謀者乃按劔而起疾趨鎮遠猶思守黔門戶以待大帥鎮將乃復抗顏逆命此則非公之所豫料者矣嗚呼天旣錫公以智勇而不使之奮迅振揚蕩滅賊氛顧反使抱此孤忠扼其成策自殉於荒江寂歷之濱亦可哀也已雖然臣死忠子死孝妾媵死節佐史死義正氣英風魂魄猶毅公豈不凜然千古如生者哉昔裴晉公將伐蔡入對延英殿曰主憂臣辱義在必死賊未授首臣無還期其言甚爲悲憤後竟成功彪炳史冊聞公歸葬太夫人時曾有密奏雖其言祕不可知要之意在必死意與晉公同若夫成功則天也公豈能自必哉卽裴晉公亦豈能自必哉余讀忠果公傳悲其志故爲書之如此

四川保甯府知府劉公愈奇殉難記

梁賓

公姓劉氏諱愈奇字會遠山西大同靈邱人也先世多以武功顯公童

碑傳一百十八

四

時讀書識大義好兵機多智勇年十五從數騎出獵大兵奄至突驅以去及

世祖入討李自成公從入關順治七年以戊子鄉貢士選河南考城縣知縣兵燹後大河以南荆棘滿目狼麋狐兔實成窟穴考城遭高許之變凋殘尤甚學宮城垣僅存敗址日夕卽聞鬼哭公下車設法開墾蒙茸化爲膏壤民有可耕之田修學宮以教子弟亦漸聞弦誦聲又延僧道奏梵樂禳祭冤魂鬼哭始息考境北連曹鄆有榆園賊王四者時入爲患公諭使降王四謬爲大言曰公欲降我當獨自詣吾營公聞之笑曰顏真卿宣諭李希烈郭子儀釋甲盟回紇彼何人哉遂單騎抵王四營四見公至大驚謂其下曰公眞神人也卽歸順公以四見於巡撫巡撫喜甚卽以四爲轅門千總時巡撫爲吳公景道嘉公治績過人又念開歸兩府久爲戰場汙萊逃亡終日不見人烟非公總治之不可特奏置開歸興屯同知薦公爲之破開封府志劉曉治在太康考之父老子弟千百爲羣哭告若狂攀轅不可得遂留公子一人於考以作甘棠之愛公在太康循行郊野日出暮歸辛勤倍至三載荒蕪盡闢流民復業當是時大難初平朝議計天下大府號難治者三十浙之湖州其一

也巡撫元公以才能卓異薦公遂升湖州府知府至則剔弊鋤蠹風采益厲南潯鎮有土豪陸甲者自稱善人挾上憲獎語數十紙來謁公曰焉有善人而自詡者乎遽命逮繫既而告受甲害者數千人公杖斃之豪右歛跡又疏通城南碧浪湖以便商旅攝象杭嘉湖分守兵備道諭降太湖賊張三等又拔孤寒孫在豐於童穉中延至署飲食教誨卒成進士官至內閣學士又翦滅惑眾道士以息訛言上官疏公異政以聞

世祖賜袍寵異焉既與糧道議折漕不合各鑄二級康熙五年左遷江西饒州同知初公之至湖也有東阡沈氏饒於貲為讐誣通海寇獄成公平反之沈冤得雪以酒米各十器餉公啟之皆黃白物公讓其僕而還之沈謁謝曰昔楊震卻暮夜金懷中物耳公視十萬若土芥豈不廉過古人乎及在饒鄱陽多盜嘯聚盤踞於大連山中其渠魁則王跳鬼也公至才半載盜發七十餘案公曰此賊穴巖蕩波非昔王四可比必覆巢而害可除因練鄉士丁壯數百人親冒矢石搗其巢穴遂殺賊前鋒楊大旗生擒范質何明徐六公子等獨跳鬼逸去卒獲之湖灘中數十年積蠹一朝殄除督撫疏勦賊功陞四川保甯府知府行裝已戒途

碑傳一百十八

五

忽報巨盜十八人白晝劫窰戶戶皆巨室空聞警單騎挾弓矢與素所善俠僧明健先往家丁官捕繼至遂生擒賊眾十八人無一脫者盜既捕之官保甯保甯南郭即嘉陵江每歲山水暴溢壞民居公修壩禦之民始不病公在郡三年政尚寬平固圍空虛餉鹿其中庭有雙鶴時時翔舞閩中山水佳麗暇則與慕義侯譚宏并二三僚友登臨徜徉焉譚宏故明山賊降

本朝封慕義侯時駐節郡治康熙十二年冬吳三桂反偽總兵王屏藩至川中公聞之即約譚宏為守城拒賊計曰吾輩受

國厚恩民社是託公又封侯爵為

天子重臣不可不與此城共存亡也是時譚宏已陰降賊受晉國印綬聞公言陽諾而已賊將至密誘公降公不肯宏見公異已遂謀害公明年正月給廷公公至即執之公罵宏曰

大清侯不榮於叛賊乎何故從逆也宏曰事已至此勿多言遂遣人圍

府署盡繫公家人於天竺堂勒兵守之次日以公至成都見於王屏藩

藩謂公曰全川文武望風歸款何物太守敢抗我師公厲聲叱曰我受

國恩三十餘年已拚一死豈肯從爾逆賊罵不絕聲屏藩怒命斬之會

三桂從子吳應遴至曰吾甫與師而殺一好官失民望不可屏藩縱縛使人監羈公重誘之使降公絕飲食誓必死又二日巡撫羅森私過公曰我已約十二家兵俟賊攻秦隴從中制之彼首尾不相應全川可復也願少緩須臾死以求事濟公聞森言慙之復起飲食及屏藩兵向漢中公與十二家歃血定盟約四月望日起兵取成都直走川北燒南棧絕賊糧道謀已定會事泄偽通判東貞以告偽總兵郭壯圖梁凝謔遂收十二家公聞變仰天呼曰大事去矣即飲藥嘔血卒時康熙十三年也十二家者撫標中軍副將畢成英撫右標副將王邦有提標前營副將段登仕威甯營參將葛立程城守副將楊嘉修錢法道曹禮先漢州知州董定國成都知府錢受祺蘆山知縣張啟鼎城守守備徐士偉灌縣知縣范儀森之次子羅四筵也森以黃金四萬兩賄屏藩得皆不死吳逆平森至刑部陳其事速束貞訊之果然夫公以孤童流離塞外幾死者再卒能攀龍附鳳乘時利見一爲邑宰兩任同知再知大郡豐功偉績在在可稽及見危授命髮指眦裂義憤河山氣吞逆孽所謂睚眦齒常山舌又何多讓焉謹據公行狀次其顛末以供他年太史之採前甲寅其子清甯清炎與孫相等扶公槨發白川中乙卯抵考葬於邑南

碑傳一百十八

六

王家橋北公子五長清珺武鄉科次清琬清致皆廩監次清甯清炎需次未仕卒皆葬於考清致仕江南鳳陽府盱眙縣縣丞有詩名著清嘯

軒集鄧孝威選入詩觀

侯邑殉難明府劉嘉猷傳王之功附錄彭聘

甲寅閏變同日死節者三人侯官明府金翰劉天疇先生其一也先生

諱嘉猷字憲明宋釋褐劉堯夫裔世居金谿玉田里後徙容坊父友山

生明府最晚幼時父甚喜負貌瞿神王氣象嶽立不可狎前明庚午科

鄉薦士

本朝署興國教諭補署新建以明道正誼爲學爲教兩邑士多化之秩

滿宰侯官逢大中丞范公攬轡澄清明府廉能行其所學愜中丞意未

數月而撤藩

命下且夕隱憂度其必叛先語家人以閩難將作我宰茲土也義不可

以汚甲寅三月亂果作逆給文武赴藩府計事自大中丞以下咸往明

府從而後入見鋒刃交戰脅大中丞降中丞先以大義昌言次陳順逆

禍福逆弗聽勒降大中丞罵不絕口逆黨縛而去明府階下厲聲曰范

中丞

中丞

國家重臣素負清望豈肯從爾反若輩敢無禮逆黨叱之聲色益厲聲震階上知福州府事王太守之儀同知建甯府事喻二守三畏忠義激烈罵賊皆不屈階上怒喝武士殺此三人眾股慄明府挺然髮指毗裂憤猛戟手有搏擊勢芒刀亟下王太守喻二守齊殉於難三忠屍出逆府眾咸低首國人憐之有志者壯之妻子羈閩三年丙辰九月和碩康親王收復閩疆閩亂平褒忠節計口授食令其子扶柩歸金谿合疏題恤先生得

贈福建按察司僉事廕一子入監讀書至是而同時附偽偷生者愧且悔康熙二十年

遣官諭祭曰烈士成仁齋志而殉忠臣報國捐軀以從爾劉嘉猷矢志忠貞服官敬慎值逆賊之起變勵臣節而彌堅臨難捨身甘心隕命朕用悼焉特頒祭葬以慰幽魂爾如有知尚克歆饗方庚午同邑同榜有王公士和為延平守有曾公涓化為六合令前朝身殉城社金谿是科得人為盛明府於四十五年後慷慨就義殺身成仁雖先後各殊而死於官守一也明府有子四伯斯大中斯茂叔斯集涓朴不樂仕奉其母命讓季斯蕃入監讀書初授河南西平尹時吾在京師絕不與選人接

吳碑傳一百十八

七

季知之乃以金谿劉公子謁自言無他但乞先人一傳幸矣傳吾志也吾嘗賦哭三君子行矣王太守喻二守以弗得家狀未及傳有福州城守千總廖君有功見逆殺忠義發憤大呼同被殺烈丈夫也後二十年甲戌山西小石營守戎劉進士職以牘道其事籍貫未詳先附識

陳忠毅公丹赤神道碑

郭開極

今上聖神文武威靈震疊太和淪浹俗登仁壽普天率土悉尊悉親逢國大慶輒沛榮恩大小臣工咸邀異數至于仗節死義之臣及加愍恤贈官廕子易名遣祭建祠豎額窅窅之地綸誥臨焉典何盛哉蓋龍嘉之所以慰死者之魂而俾生者共知綱常之大君父之感人人奮於忠義也忠毅陳公奉

皇帝賜葬既曠於侯官桃源山之原而東南神道宜有碑碑宜有文余仰公之致命成仁而復重其嗣子之能以禮請也則謹記公之世系族出歷官行治以至其塞天地光日月之大節而下迨二淑人之同膺卹典獲耐于禁兆者有槩有詳綴之以銘公諱丹赤字獻之號真亭與兄雲巖公諱丹蓋同中順治辛卯科舉人其先固始人有官閩博士者家于侯官遂為侯官陳氏傳至曾祖逸竹公祖達軒公世有隱德生公之

父武夷公諱期煙爲邑名諸生以公贈通議大夫公詩文逼大家立身  
與人有節槩不肯熟輒媚耳目後兄選粵清遠令公以銓試第一簡四  
川重慶府推官隨署重慶府事是時張獻忠初滅蜀迤東向爲十三  
家所據會鞠之師環集境內公招亡墜荒疎刑設教仍籌給饋餉以濟  
軍食蜀平奏上最內擢刑部主事丁內外艱歸服闋復補本部尋陞本  
部員外郎與纂修品級考全書公三歷秋曹平反出入必得情人無敢  
欺已酉差權天津關天津地近畿輔巨商大賈四方萬貨之所輻輳前  
此者視爲美差獨公洗手奉職官稅外不私一錢是冬

天子幸瀛州公接駕荷慰勞焉既復命晉兵部車駕司尙書郎與修中  
樞政要鹵簿之尊驛傳之細屬公職者檢核必嚴初公之舉孝廉也以  
文章名天下及其司蜀李以陟部寮也又以經濟冠曹著其不知公者  
徒羨公之遭逢卽知公者皆以公爲文人爲才吏豈知公之文也以行  
踐之才也以節終之哉癸丑浙江分巡溫處道缺人

上念東甌爲兩浙門戶且襟帶大海非公無與釋東南憂遂以僉事道  
命公出公下車見海禁操切窮民絕魚蟹之利又以久在刑部痛命獄  
大案多稽延繫囚每牽連歲月不結心默傷之忽恍然曰甌鄰海鏡境

碑傳一百八

武臣擁重兵吾建牙斯地反無一騎一卒設有不測何以守封疆恨格  
于位不獲以封事入告耳未幾攝臬篆以例朝覲公喜曰吾言得上陳  
乎立草三疏挾以行一日弛海禁二日結命獄三日復標兵行至山東  
會溟變大作有

旨諭天下凡入覲之官亟還固地方疏遂未及上還至東昌聞閩藩耿  
精忠反公方食投箸起曰東甌與閩接壤閩叛必首攻東甌吾職在分  
巡安敢須臾緩卽棄舟陸行倍道至維揚時自長江以至錢塘譏察戒  
嚴舟楫必結隊相援日開帆十餘里毋敢夜行公獨駕小艇衝波奮櫂  
僅三晝夜達嘉禾飛抵武林謁撫軍密計防禦策立談數語卽馳歸治  
所繕城堡練鄉勇蓄糗糧食未嘗一飽寢未嘗安枕適海寇朱飛熊乘  
閒出沒人懷疑懼公大張榜文指示順逆禍福以安民心語多仗逆  
或謂公宗族在閩恐受毒公叱曰亂賊人人得誅吾誓不與俱生  
國有難遑恤宗族哉居無何平陽軍弁縛其帥降賊賊攻瑞安縣郡城  
兵將往援者觀望無鬪志而海寇長驅入內港擄掠江上鄉民爭提挈  
輓負走入城鎮帥欲禁之公曰城以人爲固人以食爲命今民輦米粟  
入城民卽吾兵食卽吾餉此天之所以相

國家也急納勿阻於是來者數萬人公見賊勢逼親自作書請提鎮接  
師曰本道矢志死守以固外藩孤城無援心力俱竭東甌有失全浙震  
搖此正臣子効命之秋也不速救如地方何插飛矢羽日馳十數次血  
淚淋漓滿紙上題封幾不可辨斯時也賊覘公親守小南門相與議曰  
城中官惟此人招不來麾不去其餘無難事耳乃水陸并力專搗小南  
門鼓聲震天矢入如雨銃礮喧轟山崩谷裂瞰城下如蜂屯蠹沸惟見  
刀斧劍戟閃爍日光中公懸賞格能擊賊者計功予鍰自擐甲胄日登  
陣三巡大宣忠義獎激語守者皆感泣奮勇賊從烽燄中望城上見公  
談笑自若無怯色爭驚為天神不敢近退縮十餘里越數日鎮帥祖宏  
勳聞援兵前鋒駐對江大恐宏勳固早與賊通思以城叛者乃佯遣其  
遊擊馬文始與公協守實以探公意公每與言不畏義死不榮幸生歛  
獻慷慨誓以身殉宏勳知公志不可奪於是陳甲仗于城東華蓋山之  
大觀亭請計事思以兵脅公巡捕千總姚紹英廉其謀諫勿往公曰宏  
勳官巨鎮食厚祿諒無異志即不然吾以大義曉之安有奸形未著寇  
在門庭商戰守大事而不赴者乎至于死生吾已置之度外矣遂往果  
見兵皆露刃夾階下立公不為動坐定宏勳言曰賊眾兵寡能無慮乎

傳一百十八

九

公曰吾城守會勤合援師前鋒計可半萬瑞安之旅足為犄角計日提  
督大兵集直滅此朝食耳何慮兵寡宏勳又曰卽有兵如無船何公曰  
吾用水師戰艦列于江下流以禦寇屢民船駕于江上流以濟援兵何  
慮無船宏勳語塞其屬弁楊春芳厲聲曰城中無糧縱有兵有船誰為  
我用公曰若言誤矣吾營餉給滿此月而遠所鄉民米粟在城者露積  
狼藉若乃造此語慢軍心耶起欲歸賊黨呈耿逆諭獻城書公怒曰若  
輩受

國恩當効力死國事乃欲從亂臣賊子反耶此物豈可汗吾目以手碎  
之宏勳奪去宣隱語殺公賊奴高魁執巨斧劈公右臂公笑曰我不怕  
死我頭可斷城不可得也裂眦決齟罵不絕口爭挾出亭外公致命時  
甲寅六月初一日也唐史載張巡許遠死睢陽時年俱四十九公忠肝  
浩氣與張許同尙少三歲云公歿之後海禁開命案以限結悉符疏語  
使當日標兵早復公得以勁卒自衛宏勳必畏不敢動深溝堅壁以待  
援師內外合攻賊屍將瘞江魚腹中何至有大觀亭之變哉天蓋使公  
以一身招揭綱常為世道人心砥柱而顯我  
國家有仗節死義之臣也

天子恤公忠特贈通政使司通政使廕其嗣子一襲復遣官諭祭賜諡曰忠毅建特祠于殉難之所春秋有司行祀事焉己丑歲

駕南巡嗣子一襲以湖州知府伏迎

上温旨曰汝父盡忠報國朕親書名垂青史四字以昭汝父忠一襲捧歸摹額懸祠上公先娶王氏先公卒贈淑人後娶會氏封淑人逢草恩

加封太淑人今合葬或曰是

賜瑩也宜分余曰不然會太淑人從任東甌當公殉難時虎視耽耽賊思盡根株而痛斷之能乘機應會忍死存孤以養以教俾嗣子一襲自

州牧以厯監司才稱其官諸子讀書成名不墮父風以展王淑人未竟之緒功莫大焉義重精練榮均憂恤則以命婦祔也固宜是碑也

君行仁臣勵節夫殉國婦立孤父教忠子盡孝一石而三綱揭其上於

萬斯年長永存哉銘曰

赫赫我

皇駕虞軼唐

帝心簡在翊以忠良蠢諸滇醜眼鷹臂噬妖氛遠煽狡啟閩疆波鯨蟹戶附和猖狂孤城屹屹東甌在望忠毅李蜀鳳麟祥清華內簡乃陟

部郎建牙以出巡履斯方欲騰封事欵觀櫬槍擴門培鎖活納流亡且

修且練廣峙糗糧憊精嘆血力固金湯援師不至魑魅鴟張手持一矢

誓射天狼奸狐沙蜮倚伏蕭牆公殉大節就義劔銘天蒼日白彷彿睢

陽

贈諡祭廕賜葬幽堂祔之二淑維德之行象賢顯世

王休對揚維

君維父覆載難量卓哉風嶺山高水長

又甲寅殉難温處觀察陳忠毅公傳馬騾附

誥贈通議大夫通政使陳公丹赤字獻之別號眞亭一號津城

本朝辛卯科八閩鄉薦士也先李蜀之渝州以卓異薦授比部廣東司

主政遷陝西司員外郎再遷駕部尚書郎以賢能

簡命分巡温處駐節東甌甲寅逆藩踞閩温守帥納叛公以奉政大夫

分巡浙江温處地方按察司僉事死之

天子嘉公死節以故得贈公閩侯官籍閩藩變亂脅從依附者不勝指

震鄰及浙公以署浙臬代覲三月聞變裂毗髮上指曰東甌爲浙東門戶吾封疆吏也吾不捍封疆誰爲捍者兼程趨行行至維楊聞温處動

播海上多盜卽乘舴舻三晝夜至嘉禾夜駕一葉遊飛抵武林謁撫軍  
亟白馳去四月入東甌東甌將帥以僉事聞人也歸必同心甚喜比見  
練鄉壯修城櫓備糧糴又甚忌或語公家在閩保無他慮公曰封疆之  
臣守死封疆吾義與此城存亡他何恤也當是時平陽叛矣東甌領兵援瑞安者  
城降寇攻瑞安急公遣吏密告兩臺謂平陽叛矣東甌領兵援瑞安者  
殊無鬪志同城將帥之心舉不可問大帥不速救丹亦報國惟一死耳  
五月二十七日援瑞安副將某撤兵歸人情洶洶公獨居城上以忠義  
激勸父老子弟皆垂涕願爲賈勇六月朔鎮帥陳兵溫城大觀亭露刃  
交戟請公計事巡捕守備姚某跪勸勿往公從容攬轡慷慨勞軍軍中  
有言降者伴勿聞勉以大義副將某厲聲兵乏餉匱誰戰誰守不降何  
待公正色而語曰提軍渡江前鋒已集現合城守援勦可五六千人民  
樂爲用何云無兵糧餉給至六月今遠近鄉民粟米盡輓入城何患無  
餉爭辨甚力專閩知不可奪目語左右左右斧公臂臂裂呼  
君父聲徹九天臣丹赤事畢矣永嘉宰馬璘躍而起曰國家豢養若輩  
一旦弑封疆大吏開門延賊吾恥與若俱生罵不絕口同被殺暴屍三  
日國人斂之永嘉秦人也亂時道阻國人先設櫃購公歸閩公分巡未

碑傳一百十八

數月國人感公以公死封疆故也初文學公期燧生二子長曰丹蓋字  
獻之次卽公同舉辛卯公年甚少戊戌闈牘出太史秦克繩房獲而復  
乙始就銓銓試第一授司李李蜀時蜀地初開川東尙爲十三家竊踞  
三省會勦以李官署重夔二郡篆招順除逆爲比部時議事以制多平  
反爲天津權關時僅如歲額無羨爲比部駕部郎署時屬以銓政纂修  
品級考以軍政纂修中樞政要推舉賢能皆特選以此聲名夙著公之  
殉于難也內外聞者無不歎絕殉難二十一年後甲戌閏五月  
天子追念忠烈同日與故巡海道陳公啟泰特加賜諡今稱忠毅公易  
名

君恩也公有子四人一夔一呂一文一宣皆能讀祖父書一夔以難廢  
今至二千石世稱八閩陳忠臣後  
古愚子曰生不識眞亭面死而傳之其面可生同日死者又有永嘉令  
馬仙庵秦武功人  
本朝甲午科副榜拔貢嗟乎孝廉明經如二公閩人秦人人傑也哉莫  
謂閩無人也

又陳忠毅公傳 徐傳



陳忠毅公名丹忱蘇古案諸家俱作丹忱字獻之閩之侯官人也登順治

辛卯賢書起家重慶府推官時蜀初平迤東猶為十三家所據三省合

兵勦之凡饋餉與籌策皆出自公以才名著擢刑部主事丁艱歸服闋

補本部樞天津關陟兵部車駕司郎中公在郎署開博學多通性和藹

近人喜詠諧及至論古今忠孝節義事輒慷慨激烈義形于色癸丑授

浙江按察使僉事分巡溫處道甫蒞任徧察形勢喟然歎曰甌巖疆也

奈何單弱至此以兵巡名官而曾無兵民濱於海而禁其海之利猝有

故何恃而無恐是以覲入都欲繕疏上告會滇亂聞

命地方官亟歸治所不得舍舟從陸戴星疾走自東昌抵淮涉江歷吳

越門戶閩亂甌決不保急舍舟從陸戴星疾走自東昌抵淮涉江歷吳

越渡錢塘趨婺州下青田江約四千餘里二旬卽至甌使公步有顧慮

之心知甌不可保而家室在甌宗族在閩俱落虎口中徘徊觀望審事

變若何則身居局外或可冀免於萬一而公不顧也顛蹙以赴甌事已

大壞不可支矣逆弁司空猷倡亂於平陽侵瑞安又有海賊朱飛熊出

沒山海以助賊逆將楊春芳擁兵不救且導賊帥曾養性統兵直逼甌

郡小南門而坐中權握重兵者則逆帥祖宏勳也早與賊通思舉城以

應公知之急飛檄請援師指血淋漓羽書朱殿前後絡繹不絕至遠近

居民爭避入城叛帥不許公開門納之聽其輪輓城中已有儲糧民所

乘之舟皆繫之上流以待援師之至遣家丁羅世安潛至閩覘賊虛實

部署既定入署沐浴望

闕謝恩與家人訣曰吾與城存亡不爾顧矣公子欲從麾去以為徒亂

人意也卽登小南門固守身當賊鋒出示諭民以大兵且至爾等無恐

有我在能發一矢射賊者賞之并計首論功焉公意以為賊狂騖無能

為吾三衢有督師李公扼其吭我居東甌拊其背閩不難定也閩定而

江右可保無虞東粵聞風亦慍不敢動則滇孽之羽翼亦翦矣蓋實有

落落大志而非僅以一死立名也愴慨登陴略無怯容公儒生素不習

兵乃智謀方略雖元戎宿將不能及宏勳心甚公愈甚則欲死公益促

屢檄取守備之具俱不應其所操矢石以應賊者則臨時募卒而已分

一衛員而已城下賊兵烽火燭天鼓聲振地公手發飛礮其中堅賊

為之退聞援兵且至公大喜以為賊滅在旦晚也宏勳密使遊擊馬文

始誘公公罵絕之六月朔宏勳大陳兵仗集合郡文武大小羣臣于城

東華蓋山之大觀亭邀公計事左右有阻公者公叱之至則全軍露刃環立以待宏勳曰賊眾我寡將若何公曰城內兵合有半萬且民心効死戰即不足守且有餘端安兵氣尙銳可相犄角賊腹背受敵勢自瓦解提督親統大兵已至對江吾此來與諸君商濟師船艘耳顧乃計多寡耶宏勳曰船安在公立語郡倅白鼈宸曰吾覘城下有船泊河干者乃鄉民所棄爲數不少爾急駕戰艦于下流截寇兵用民船于上流濟師何患無船春芳曰無糧何以戰公曰今營餉已給至六月終鄉民蓄積水陸輸入城者亦眾君何得以此言解軍主心耶且耿逆負固一隅衛有重兵以制之雖跳梁兩月卒不敢踰杉關一步地夫何能爲吾十載京華今春入覲恭見

天子仁聖威武將帥勅命逆不旋踵且繫頸蓋山闕廷諸君何無見及此其時開陳利害言詞激昂亭之外環立露刃者亦皆俛首聳聽寂無敢譁突有出帛書示公者公起裂其帛曰此物安得至我前哉蓋帛乃諭降書也宏勳作好語給公曰公墳墓骨月盡在閩卽不爲東甌全城生靈計甯不爲宗族計公曰爾亦知有宗族乎爾無爲我計且自爲計而家夙有從龍之助世受

傳傳一百十八

七

國恩高官厚爵冠蓋滿鞏下爾一叛卽九族赤矣爾不自爲計乃爲吾計乎吾惟有一死而已我躬不閱遑恤我後宏勳聞其言以身背公目左右曰取飯吃實隱語也運營高魁卽持鋼斧擁公出白倅以身翼之刃加其額幾不免公指宏勳曰叛賊汝第殺我朝廷必寸磔汝復叱魁曰殺卽殺耳鼠輩乃以刃加我耶欲拔佩刀自決魁已揮刀傷公臂力不能拔兵刃交下竟遇害于華蓋山之大觀亭下矣時永嘉令馬瑒大呼曰擅殺道臣如此竟反耶亦被害有前驅辛林義者聞變持槊從山下奮呼馳上連殺數卒幾及魁亦爲逆兵所殺宏勳遂以城獻于逆公之繼配曾淑人欲身殉顧視諸孤曰陳氏一綫尙存我忍使若敖爲不祀之鬼乎遂截髮勞面悉散家財啖賊得免宏勳簿錄公之家口老穉數十人驅赴閩公有少妾二人賊所欲得二人挾匕首相向凜不可犯遂放之歸公暴屍於亭者三日其爲具棺舉灰與茅藉之者則水師弁游仁甫山側資福寺僧也其持束帛詣死所哀慟且告公子以六月一日事而詳述其語者郡倅白鼈宸也其提攜孤寡問關困苦以還閩而卒不肯一屈者公之兄弟雲巖與廣之也督師李之芳上其事

天子爲之震悼下所司議卹從優典贈通政司通政使賜葬祭廕一子入監讀書予諡曰忠毅建雙忠祠并祀永嘉谷馬璉之從公於死者又建特祠于華蓋山之岡爲公死所命有司春秋致祭焉二十八年

皇上南巡其子湖州太守一夔于道左叩頭謝恩上曰爾父盡忠報國朕見爾來益思爾父親書匾額曰名垂青史天語懇懃奎章煥曜瞻仰者數萬人咸曰

聖天子之激揚孤忠有若此嗚呼公不死矣

舊史氏曰子讀唐書之張中丞巡傳而歎公今日之事有相符也公守東甌與巡守睢陽一也公有永嘉令同死卽巡之有許遠也公有卒林義與白倬卽巡之雷萬春南霽雲也若夫巡之守睢陽以保江淮公之守東甌以保全越此其丹心苦志先後同揆真炳耀于千古而不可磨滅者浙與閩比閩亂而浙人心所持者以衢有定武李公甌有公李奏成績而公則身與城俱亡說者欲以成敗論之此真不知時勢義理之爲言者也文臣例不統兵其所以縮惡異輒者固然無足怪公以一死壯天下文臣之氣凡爲守土者聞公之風皆感慨激昂思以身殉國故吾浙之東西諸郡縣堅壁不可動者實公之一死有以先之也巡

碑傳一百一十八

欲爲厲鬼以殺賊聞公死後高魁與馬文始晝仆見公椎擊之驚呼以死然則公之忠魂義魄方盤結不散安知公不排閩闔叩天帝勅五丁挾靈旗威矢吳戈越犀暗擊賊于冥漠之中也哉公子爲湖州府知府治郡有廉能聲凡全生之大獄獄就皆決也近復建公祠於西湖之濱與范忠宣公祠並峙穹碑屢巖前後相望過之者爲留連憑弔而不能去云

甲寅死節閩分巡海道陳公啟泰傳 彭鵬

甲寅三月閩變閩分巡海道按察司僉事陳公啟泰闔門死之閩莆陽鄉薦士彭鵬爲之傳曰公家遼陽蓋州字與號未詳以丁亥貢士知直隸大名府滑縣事有聲行取擢侍御陞八閩分巡閩海疆也公駐節漳南日以彈盜救甯爲急務逆藩叛時諸郡望風納叛所不肯以城降者公與福甯州總兵遼陽吳諱萬福二人耳公自度不能守告其夫人劉氏曰義不偷生忠不附逆死吾事也然身死而妻子爲僂吾何以瞑劉夫人曰忠不附逆義不偷生死君事也亦吾事也同死又何慮是日侍妾婢僕聞公夫人語二十餘人咸願從死乃設巨盆注酒置藥劉夫人先飲闔門上下老幼次第飲公視之飲間一穉子六歲持觴拜而受

飲畢公出坐堂上召所屬而告以大義復令隨入署署內二十人絕命  
矣告以故屬僚莫敢仰視公具朝服北面稽首後與諸僚屬訣僚屬勸  
止公語之曰吾以遼陽貢士由邑令擢侍御史今分巡八閩受

恩食祿舍一死無以報且吾閩門爭自飲藥甘死如飴吾豈忍後須臾  
公等自愛毋多言諸屬僚曰公引弦自絕事聞逆藩咋舌八閩有志者  
無不隕涕公死而福甯吳總兵嬰城固守為納叛者所弑閩門皆被殺  
其後海澄公守漳南不下麾下吳某弑之閩門亦被殺公燭機先死從

容就義忠且智  
古愚子彭鵬曰此傳聞亂初平時作也後五年而公以死節  
贈廕又十六年而公以死節與浙江溫處道陳公丹赤同  
賜諡忠毅閩人專祠祀公於丹霞

御書忠節表志四守賜額於祠與總督范忠貞先生同日并  
賜范先生為王辰進士陳真亭為辛卯鄉薦士公為丁亥貢士孰謂科  
目明經中無人哉

又滑令陳公遺愛碑開禧  
邑侯陳公以治行第一膺內召擢侍御為

天子股肱耳目矣先是三齊多盜警憂延畿甸閒剽劫無虛日浚距滑  
咫尺被禍尤慘滑人震恐公枕戈環甲禦之數月邑賴以全士民德公  
欲立祠以報而公謙讓謝不敏既公去而公伐之繫人思者如出一口

乃各輸所蓋藏起趨事踰月祠成而問記於余余不覺歎曰三代之在  
人心其不容晦沒有如是夫公東國鼎族初筮仕滑滑畿南巖邑土瘠  
而民好訟且兵荒之餘閭里若掃而鷹眼未變者復眈眈虎視公即素

饒才得無難其盤錯也者而公不謂難也且暮坐堂皇吏以百牒來  
決斧斷咄嗟而辦所茹吐操放無不一一中窾顧念軍民雜處地計柔  
茹以惠奸非便凡諸豪強武斷為不逞於獄市者以柱後惠文彈壓之  
不少假而其視諸氓則煦濡而卵翼之猶子也滑東多沔下而衛南尤

受水之區比歲以來大浸稽天沙小十七里之民幾為澤國公力請於  
上蠲其蕪穢而民無有激而走險輕去其鄉者矣戊子之秋寇逼漆園  
公誼切同舟偏師往援彎弓躍馬手縛渠魁凡我友國咸恃無恐而數  
百里之內悉食其廩焉公之功偉矣哉性雅喜文章時引諸名雋相與  
商推經議所彈射許可人人厭心若飲河而歸者公蒞滑凡五載以柏  
臺徵去夫今天下蓋急吏治云顧循名責實大率為繞指以沽譽者也

不則爲振厲以樹威者也又不則政成力倦悅人以始而無以要其終  
者也民亦何思之與有乃公左提風雷右擊雨露兼總條貫而罔敦焉  
使民衣食其賜而重犯法煌煌盛理卽西京諸君子豈易及此夫民也  
豈其頑然而不靈者析楊之威口不爲藉薊澤之膏心不爲市藉令公  
非有明德以漬溉於人之心公去國且數月矣安所得希吹邀寵於邑  
之父老子弟而匍匐悲思貨惡其不出以爲公急尸祝乎則在公慕難  
矣巍然者祠且乎考鐘宵乎伐鼓羞以芹藻薦以明馨鴻德上伐千萬  
禩如一日焉謂公樹不朽者非耶今公擢侍御爲  
天子股肱耳目矣自茲以往卓立三事九列之閒其樹駿流鴻尤必有  
什伯此者則其爲尸祝爲繫思豈僅一滑邑然哉是言也非獨余一人  
言也羣邑父老子弟言也公諱啟泰字大來遼東蓋州貢士

詔安守備劉公超鳳傳郭善鄰  
劉公諱超鳳字元修號丹侯贈榮祿公澄璽次子也生而長身偉貌稍  
長伉爽有大志每讀史至班定遠馬伏波諸公輒流連稱羨不能已與  
兄孝廉超凡弟廩生超萃共學一堂伯仲自相師友既以文見知爲諸  
生慨然嘆曰人生世上苟得仗劍秉鉞封侯萬里方稱快意沾沾章句

傳一百十八

夫

非吾志也於是橫經之餘兼學騎射通解秦漢以來用兵方略由順治  
丁酉武舉登辛丑進士公內行潔過人不設城府尤樂善喜蠲施人以  
急難告輒傾貲賑贍無吝情亦無德色康熙辛亥授福建詔安守備既  
赴任蒐討卒乘勤訓練嚴步伐營伍肅然總兵官劉某深敬憚之甲寅  
耿逆倡亂全閩煽動本營邵遊擊陰與賊通度公忠壯不順已百計說  
誘公正色曰少敦儒業忠孝大義聞之熟矣今日者勢能爲何敢死不  
能爲何容偷生臨難苟免非夫也上何以謝  
朝廷下何以見先人於地下嶽嶽莊論力勸以死難不可奪之節詞氣  
激昂邵氣沮逆謀已定終莫能移公察見其情歸語子官統曰事去矣  
止有一死官統進言曰閩省雖陷全廣猶存與爲徒死何如借兵恢復  
但得潮帥許諾逆賊不足平也公奇其議遂爲蠟丸書使官統赴粵乞  
師邵廉知其事遣輕騎二十餘人追執之並縛公械漳浦營劉總兵麾  
下劉素重公親釋其縛呼以兄謂曰國事至此無可爲者兄雖忠義徒  
死何益不如僞順俟有機會圖報未晚公厲聲叱曰吾官不過守備猶  
義不負

國公總元戎何竟出此言邵遊擊不知大義公發身鼎甲手握兵符縱

不念國恩獨不顧身名乎劉帥唯唯亦竟無所動公知逆謀已合仗劍望闕叩首疾呼曰君等悉從賊吾無能為矣遂自刎越二年賊平官統拔

身北歸以功受知聖祖為山東總兵官陞對日泣涕訴公死事

上嘉其忠覃恩贈榮祿大夫崇祀鄉賢

論曰人臣策名登朝何至甘心從逆所可患者身在人掌握開隱忍以

圖自全曰吾將以規後效也夫使後效果收而節行既虧難為贖矣如

劉公者力不能殺賊則斷頸絕脰辨一死以謝

君父嗟乎豈不毅然大丈夫也哉予從公宗人遊頗悉公授命本末為

撮其要著於篇庶幾來者有所覽而感焉

諸典史士英傳陳慎附

甲寅閩變吾浙河以東死事者兩人紹興則諸文水甯波則陳吉人也

兩人皆縣寮屬官小責輕而能為舉世之所不為方吉人之未為丞也

余按徒鄆郊之假山嘗持其所作詩一再過余惜其死事本末不詳未

及為之作傳文水居越余不識其生平何如入庚申客三衢吾友徐子

野公其同里也為敘其殉難事甚悉衙齋長晝閒取而節錄之文水者

江西新昌縣典史也其為人慷慨負志氣讀書不就自泯沒乃去

為吏以考滿得新昌典史新昌於瑞郡號稱簡僻而典史秩卑更不得

可否事文水居久之無所表見會閩叛袁之萍鄉有朱毓吾揭玉卿者

乘亂嘯聚毓吾伏誅其弟承盛復聯蕭鳴會嘉印等別為一部奉撫州

無賴子李甲為軍師假筵下以大言惑眾勢遂猖獗甲寅九月新昌之

鄰邑萬載破文水念典史職捕盜賊乃團結鄉勇為戰守計一日出方

塘簡閱而土寇蔡用盧景岱者忽合朱揭二賊來破城當是時知縣出

走文水卒聞城陷率眾急攻力竭被執遂不屈而死賊退督撫以其事

上聞人

詔贈甯國宣城主簿子祭如例初文水被執賊無害文水意文水嘆曰

我典史也義不汝降幸殺我毋殺百姓賊有義之者命左右具冠帶進

啗以美官文水不受輒大罵賊怒囚之獄垂楚交下并逮其妻女至前

曰不降且盡殺文水不為動家人勸詭降緩禍文水叱曰死吾分也雖

家有老母既服官不遑顧矣矧妻孥又奚為者賊知終不可奪縛獻其

魁其魁慰諭至再文水引頸大呼曰殺即殺耳何多言於是遇害文水

名士英木漢武侯之後覆姓諸葛世俗省文呼為諸文水其字也父李祖元綬萬厯中貢生昌平判官曾祖大典高祖法祖某科進士其先世有之奉者居汴宋時以花石綱之役謫越遂占籍會稽妻傅氏子應圻當文水遇害時年四十九矣而應圻生甫旬日傅氏抱其孤伏尸哭竟三晝夜不絕聲賊去始得具斂比棺歸八旬之母一慟而絕其慘若此然而文水絕命之詩則曰捐軀報

國恩留名不負親夫名果于親何與哉歿後之聲稱豈敵當前之荼毒又況區區主簿其為顯親亦復無幾而輕以一典史之恩忘身及親乎今天下健兒賞郎無論一二讀書之子利害明成敗熟類能援親在之義陰陽反覆不幸則僅全其身幸則取富貴功名如寄蓋極知蓋指之論無如我何也而文水固確確然榮名是寶豈出身吏員究竟坐不讀書耶雖然既已為典史有詰捕盜賊之責可以死乎可以無死乎千秋萬世後有聖人者起必有取以論定之者其於親負不負當自明也陳吉人名楨世家鄞由監生為上饒丞其死也

贈按察司僉事賜祭准廕視文水卹典頗優然而鄞人又無有知傳其事如野公者柳下惠不羞汙君不卑小官謬矣哉

寒村子曰司馬遷述賈子言烈士殉名至與貪夫嗜利夸者死權並提而論甚矣哉名之為人累也干乘之讓孟子亦嘗譏其非真然至于死則亦可以免于責備矣而世之善非君子者乃輒以好名二字槩抑之嗚呼今天下亦誰為好名者乎然使其處文水吉人地吾不知其何如也

甲寅死節進士葉有挺傳彭顯業有挺字貞夫別號果菴閩建甯府壽甯人順治丁酉入閩鄉薦士登康熙庚戌科進士榜貞夫動履多落落釋褐後徙步南歸亦異人也甲寅耿精忠以閩叛偽檄郡邑在籍縉紳與甲乙明經坐名勒限起送又令地方官各舉所知貞夫恥之竄入南昌界中傳者謂已死其母使人訪之次年貞夫思母從間道歸甯偽縣令聞之特檄趣赴召貞夫告其母曰兒登進士科思有以報

君父今以進士致偽檄之趣也是得一進士而反為從逆之資兒死不赴如有母何其母曰兒勉之忠孝不能兩全然吾聞立身揚名以顯父母今正兒立身之日老婦又何憾貞夫乃抱母大號卽與母訣易服潛踪走匿山寺中寺僧知為葉進士也拒以意貞夫仰天喟然曰有挺豈

以儒者七尺軀苟延旦夕為釋氏恐怖又豈以身死蕭寺貽主僧禍患  
夜起北向九叩頭南向望母再叩出走山下自經于古木其母聞之曰  
兒得死所矣亂平無有以進士死節聞于朝

褒贈皆不及貞夫治禮經丁酉庚戌薦之者不知為誰本房稱得士云  
貞夫曾祖秉鄂祖伯冕父喬林三世有隱德子孫為忠臣其名皆可傳  
古愚子曰此一進士也視死如歸可以傳矣若夫苦節潔身而不傳者  
或有之莫謂閩無人也

黃攝尉新德傳藍鼎元

黃新德海陽縣吏也讀書僅識字涉獵故事出語好遣文人皆笑之家  
故貧義不苟取或勸以稍趨勢得周急新德曰原憲之糲袍賢於季孫  
之狐貉宣孟之魚食甘於智伯之芻豢時人異焉康熙辛亥授廣西梧  
州府寶家塞巡檢弭盜有方郡守稱其才乙卯夏攝藤縣尉值滇黔叛  
逆山寇蜂聚圍藤邑時兵少議降者半遁者半新德曰棄城非守土之  
義降賊受戮社之誅不如死守脩雉堞整樓櫓身先登陣鼓舞眾志相  
持者旬餘薪糧內絕外援不至呼其子曰禱曰忠孝不能兩全汝扶我  
老毋旋歸後此奉養諸事皆汝為之汝孝于祖母即汝之孝于我也城

陷被執賊欲授以偽官新德曰何面目見天下人王彥章且不肯降唐

況天朝臣子從賊乎賊欲屠民新德曰倡守城者尉也誓不與賊俱生期

滅汝曹朝食者尉也死賊殺尉足矣於百姓何尤賊怒斫之新德罵不  
絕口刃斧交下碎其屍家人四婢一皆死焉日禱負祖母得脫隱跡旬

食越兩載始還至家事聞

賜祭褒恤贈南甯衛經歷  
論曰新德微官耳以死勤事可謂大臣矣彼擁節封疆平居赫赫莫已  
若未見敵而棄城去者厥官居何等哉況於屈膝從賊曾狗彘之不如

新德將叱而奴之敢曰孰尊孰賤耶

李都閩其昌小傳藍鼎元

李其昌字遜伯廣東程鄉人父成材為善子鄉賑貧濟乏里人德之以  
為其後必有昌者因以其昌名昌偉軀幹喜韜略補武庫弟子員慷慨  
自矢有乘縹請纓志值鼎革王師入粵仗策隨征以功署平鎮營守備  
時潮疆初定土弁恣睢握兵雄鄉里昌弗之善也請於幕府願戮力疆  
場得題授武昌守備再補直隸楊村營遷隰州專防都司康熙十二年



告病回籍其明年潮帥劉進忠叛賊黨聞風響應者其昌從逆昌正色

曰天朝用兵如神汝輩不知君恩亦當畏懼國威奈何背亂頑抗自取滅族吾受

朝廷爵祿豈從而賊反耶賊怒掘坎活埋之終不屈焚殺其全家時仲

冬二十有一日也子以猷方十五歲得脫告之官官無如何越四年以

大赦弗究猷呼籲不已當道憐之許自行緝捕卒得賊首以雪仇恨

論曰其昌明於大義舍生取死忠矣假當年畏死從逆賊平之後終亦

不免一死泰山鴻毛相懸奚翅萬萬哉父為忠臣子為孝子百世而下

凜冽存焉嗚呼其可敬也李張白何列傳監鼎元附

李成功順治六年武進士歷官潮州鎮中軍參將

張善繼康熙六年武進士官潮州遊擊

白虎康熙十一年為澄海協右營都司

何亮澄海協右營千總俱死劉進忠之難

李成功奉天鐵嶺人登順治己丑武闈歷官潮陽遊擊調潮州鎮中軍

以參將管左營事訓練有法能得士心康熙十三年總兵劉進忠叛成

功仰天呼曰天步方艱臣心不改倘可誅賊九死何辭潛與城守遊擊

張善繼續順公標防禦于國竦謀戮進忠進忠覺執之誘以同叛不可

劫以兵刃弗懼進忠信之成功曰頭可斷志不可奪進忠曰汝為中軍  
我以猶子待之何無義至此成功曰祿山叛國死於豬兒朱泚叛國死  
于韓旻汝叛  
國賊臣不知死之將至我何為從汝反哉進忠令斬之罵不絕口而死  
時甲寅夏孟二十有一日也事聞  
贈驃騎將軍賜葬廕一子奕桂守備  
張善繼直隸彭城衛人幼習儒博覽羣書長為孫吳學登康熙丁未武  
科鼎甲第二人己酉授潮州城守營遊擊甲寅吳耿盜兵善繼赴省請  
飭為出師備潮帥劉進忠陰遣腹弁楊希震赴閩獻款耿逆授偽甯粵  
將軍印剪辮歸與進忠謀曰張善繼剛方固執深得眾心宜亟散其卒  
進忠然之遂以所部眾分隸王承業李雲陳琿約束焉迨善繼歸而麾  
下已虛無人矣謁進忠曰公不聞晉王敦乎武昌犯順直抵江甯威勢  
未嘗不赫也兵敗身死發瘞斬屍自古未有叛國而克令終者君至崩

騰蒼莽震懾旄麾之下繫頸求活晚矣進忠怒羈之馬王廟有明經林應璧者亦被羈善繼與談古忠孝事相得甚歡並披覽史書不輟若不知刀俎之及也進忠屢遣人諭降終不屈令斬之善繼臨刑嘆曰生未

贈參將賜祭葬廕子張大陸守備

白虎陝西秦州人久典戎行著勞績康熙十一年授澄海協右營都司簡閱戰艦製火攻諸具纖悉畢備文武同事者嘆為奇才遐邇咸稱虎將云劉進忠將叛調虎與其子崇質入郡虎臨行謂妻張氏曰滇黔閩

楚相繼盜兵吾父子當立功以報

國汝善撫幼孫無以我為念蓋未知進忠有反謀也及至而進忠待虎加篤左右防範甚嚴越日乃知其事嘆曰我以出師征討星月馳來豈虞變生意外悠悠蒼天彼何人哉因潛焉淚下進忠傳虎見令易帽虎曰頭可斷帽不可易令剪辮虎曰頸可截辮不可剪隨責進忠曰付託全潮任重榮極不圖報

國甘為叛首恐皇天弗宥也一旦師敗勢窮竄身茅簷亦不可得悔何及矣左右以虎搖惑軍心請斬之進忠愛其勇不忍刑曰此愚人不知

神傳一百十八

至

時務耳復拘虎妻張氏孫士俊為質虎與同志者密遣人赴省請兵陝復約為內應謀洩將就刃謂崇質曰食君之祿死吾分也委身存祀惟在汝崇質曰父為忠臣子從叛賊烏乎可苟就義以全貞豈不因忠而成孝孟秋朔日縛至西市虎望北叩首曰君臣大義盡于此刻父子至情亦盡于此刻生不能提三尺手刃逆賊上報國恩臣虎有餘辜矣百姓觀者為飲泣張氏士俊窮無歸貧無爨藍襪

衣衫行乞于市事聞

賄秩恤典如禮廕其孫白士俊守備

何亮潮州程鄉人澄海協右營千總也少充健兒每薄伐賊闕身先諸校戰功甚偉得授千夫長善馭兵量機決策頗洞中都閩白虎以腹心待之資籌畫焉劉進忠將叛檄全潮將士赴郡城亮隨虎至進忠以偽甯粵將軍印行事亮曰以逆犯順者亡進忠忘

國厚恩敢為叛逆亡在旦夕耳誓誅此賊方快我心或告之曰任天下事易死天下事難如其敗天下之事死不足以塞責如其成天下之事生亦可以有為亮曰否君猶父也子為父死無所怨人固有志不可強耳虎遣亮訂李成功于國璉張善繼密請援師恢復謀洩進忠縛亮叱

之曰汝何敢作亂害我耶亮曰背義賊臣人人欲誅豈獨亮哉我一片  
精誠上訴天帝當於冥曹待汝對質遂遇害亮之兄弟妻子被殺者九  
人觀者多嘆息泣下事聞奉

旨賜卹蔭其子何開龍千總

論曰成進忠之逆也同城將士為賊犬馬者多矣慷慨激烈取義成仁

獨李成功張善繼白虎何亮與防禦于國

于市尸區立不作數日不敗

焉余竊嘆進忠叛逆呼吸死生威勢赫赫而成功面斥為祿山朱泚善

繼比之王敦所以挫亂賊之鋒

成孝之數語者可以垂千秋登金石矣何亮末弁一則曰

國恩再則曰

君父罵賊至死舉家殉之使天下守土之官人人倣此四君子雖有亂

賊其誰與為亂哉葉天柱礎端賴斯人余故表而出之

漢鳳營千總魯公仁圻墓誌銘

當吳三桂反吾宗元長公死其官事聞

天子賜祭葬官其一子嗚呼烈哉公諱仁圻元長其號也系出宋參知

政事肅簡公南渡遷越之餘姚復遷會稽魯家涇郡倅某公之父也公

好讀經尤邃春秋學能馬上左右射補博士弟子員順治辛丑入都興

安總兵官喻明簡能知公者挾之入秦遂以百夫長隸戲下明簡去代  
之者王懷忠又能知公者授漢鳳營千夫長康熙十三年滇黔既叛秦  
隴大震征南將軍穆某闕場大閱公慷慨力請討賊將軍壯之定西大  
將軍多羅貝勒又能知公者賜之首鎧魚甲太乙之刀將任以南征未  
及發是年冬十二月會漢鳳參將蘇興復附吳三桂將襲殺詞賊筆帖  
武布爾格以滅口公憤甚度倉猝未能制賊輒衣朝服北面再拜慟哭  
懸父遺像祭且告入訣妻子出上馬馳叩興營氣發於面力爭毋殺布  
爾格狀與大怒縛公公大罵賊死為是月之十五日嗚呼死生亦大矣  
人各有死唯公能獲死所也夫春秋之義莫大于討賊令公須臾毋死  
帥師入蜀轉戰湖南扼賊衝戰而勝功莫大焉戰而不勝死必大創賊  
死亦烈而塵死蘇興手為可惜也雖然三逆方張當時大臣能死賊者  
惟范公承謨甘公文焜朱公國治其能擊賊者則有哈公占蔡公毓榮

李公之芳然史美擊賊者又何敢輕死賊者則公之死可以不畏矣公既死莫敢收其尸先是公畜一犬甚馴犬護尸傍終不去尸僵于雲飛鴉集啄犬輒咋逐之故吏梁玉收而葬焉妻孔氏箠蔣氏被掠死子世泰亦死世德陷賊中公友袁豹以財贖歸其弟仁城以公歸葬于會稽之品字山公有春秋評解傳于世銘曰

烈烈我公死而不死死而不死其不死而死者蓋視此

贈光祿寺卿郭公萬國傳梁熙

公諱萬國字甯侯其先山西平陽人也勝國永樂時遷許昌家世力田

擬素封至公父宏宇公諱從寬即昔年中州人士所共稱為郭副將者

也當明季庚辰成大侵獨有遠識能發粟賑饑後見盜賊蜂起始約社

較弓矢集丁壯為保障計迨李自成破燕京中原千里城市邱墟義激

於中誓不令子遺黎民膏盡於是聯絡各若北至大河南至鄆城凡流

亡之顛躓行旅之往來悉拯援衛護之其嵩洛土寇皆掠人為糧終不

敢東踰許昌一步者宏宇公之力也先是癸未冬兵部職方郎領專勅

齋空劄宣諭諸砦視守禦有成績其才略可充將領者自參游以下竟

填給劄付然後具題宏宇公以數擒闖寇偽設州邑官得參將劄舊例

武職皆得以署銜超一級用壯軍聲當其時郭副將之名震兩河矣公

幼英發副將公雖延經師受業然時時扼腕運籌欲出入行陣間一試

其鋒迨

聖清底定海寓輒恂恂戰志諸生中兩試棘闈未得售會經略洪公以

總督七省向長沙乃仗劍謁軍門從征滇黔以幕府上軍功授辰溪令

繼遷銅仁當苗民擾亂之後官無署民無廬庠序鞠為茂草公撲滅餘

燼招撫逃亡脩葺賢宮闢土勸耕浚河運粟治有異徵遇

今上親政覃恩勅贈宏宇公如官公以祿養不逮官署薦新未嘗不

感時流涕也擢為獨山州守獨山民徭雜居隸四土司徭性獷悍出入

常相鬪殺公多方誨諭眾咸感服受約束城南有大橋圯廢已六十餘

年民咸病涉公特捐家財脩復之民呼為郭公橋歷六載晉吉安府丞

臺司廉其才令三緡邑綏所至有惠政隨陞饒州太守滇氛煽亂府城

外皆嘯聚伏莽之藪城中滿漢兵僅八百人然每出必俘賊而返公執

銳披堅賈勇身先與武弁爭挫賊憤甚盡糾餘黨殆四萬人挾火器

攻城有僞降者三百餘人潛為內應城遂不支公猶裹瘡巷戰馬忽蹶

遂及於難時康熙乙卯年月日也督臣以血戰陣亡事上聞

天子憫恤忠勇贈光祿寺卿賜祭葬廕其裔公仲弟國學生諱萬慶字熙甯先公歿其子琛繼公後季弟國學生諱萬嵩字藩侯有節概冒險赴饒扶柩歸治祭葬盡悌道焉

贊曰近閱倚伏之機益見天運之可信矣居嘗謂副將公陰德鉅而祿位未稱王子春公以捧進賀表自京還里相過聆其議論通達治體予謂郭氏之後以儒術顯蓋時爲之也乃甫膺二千石遂以見危著臣節令千載下視之慷慨有生氣者在青霄矣

海澄公贈王爵忠勇黃公芳度傳朱註王夫人

黃芳度福建平和人以父梧歸

國功襲封一等海澄公初鄭成功竊據海島而海澄者其出入門戶也使梧守之梧以歸于我扼其咽喉成功大窘故怨黃氏尤甚康熙十三

年耿精忠與鄭經爲亂時芳度守漳州密疏所以破賊狀凡七上皆阻于賊不得達最後得芳度蠟丸書乃言守死開賊誓不肯國事

上嘉獎之明年鄭經并力圍漳州芳度傾家資募兵與之相抗分督將士守四門屢以閒出奇兵邀擊之斬獲無算久之賊攻益力芳度使其從父兄芳泰與賴弁突圍出求援于粵而誓將士以必死乃積火藥埋

宅中告其人曰鄭氏讎我家切骨我以死力抗之城陷我義不爲賊辱矣汝等亟舉火無使賊生得我一人也芳度守城凡六月賊日夜攻不

得下其從父兄芳世以中路總兵自粵來援未至二百里會其下吳淑飯十月六日天初明芳度登城巡北門淑等潛開城東門出迎賊直入

芳度家絕其藥繩火不得發芳度聞變走開元寺仰天呼曰反奴負臣臣死不敢負

國遂投井死賊出斃其屍妻李氏自縊死其家人及諸將士皆罵不屈賊盡殺之加慘酷焉芳世以其事聞

上大震悼加贈王爵賜諡曰忠勇妻贈王夫人諭祭二次命官治其墓建坊以旌之以芳世襲公爵卒弟芳泰嗣封卒以芳度子應續嗣封

陳忠愍公福家傳錢大昕

公諱福字箕演其先江甯人父尚智明末官榆林副總兵官以拒李自成戰歿葬於甯夏衛因占籍延綏公少倜儻有謀略

國初以武舉從甯夏總兵官劉芳名麾下勦香山賊有功授守備隸鑲藍旗都統李國翰麾下攻階州蒲城諸路皆有功加遊擊銜尋授四川

遵義鎮遊擊駐兵順慶順治十五年大兵入川公以所部從斬獲甚眾

加參將銜康熙二年巨盜劉二虎郝搖旂李來亨等出沒楚蜀閉蹂躪居民總督李國英請會兵討之公得檄以次年春從西安將軍傅哈禪出征手斬劉二虎於天池寨攻郝搖旂於黃州坪禽之其秋八月又從靖西將軍穆里瑪追擊李來亨於茅麓山來亨自燒死餘黨殲焉論偏裨功公居第一授三等輕車都尉世職遷四川成都城守副將會打箭爐苗寇警總督蔡毓榮奏改夔州協副將討平之十年攝重慶鎮總兵官事十二年擢陝西甯夏鎮總兵官公入覲請訓卽赴鎮任事家屬尙留重慶明年逆藩吳三桂據滇南叛四川亦應賊吳逆素知公驍勇遣使好言誘公公斬其使以聞賊乃劫公家百日爲質遣使誑公曰不從者一門無噍類矣公慷慨謂僚友曰吾志吞逆賊豈爲妻子計耶立斬之遣弟壽齋書入奏天子嘉公忠亮知大義擢陝西提督仍領甯夏鎮事授其弟奇參將壽以廩膳生特授寶應縣知縣王輔臣者平涼大帥潛與賊應據城以叛攻陷定邊城十四年春

詔公與總督哈占合兵取之先是甯夏兵被調征蜀去者十六七其留者多怯懦莫敢前公諭以忠義中令將士有不進者斬卽日上馬啟行

傳傳一百十八

卷五

三月至靈武分遣部下復惠安韋州安定三堡親統兵與蒙古索諾木台吉軍合圍花馬池別遣兵略定遠皆多所斬獲賊朱龍以眾投花馬池我軍邀擊之賊以奇兵出我後腹背受賊我軍益奮戰斬僞都司王一龍於陣朱龍不能支遁走花馬池賊勢孤乃下六月進復輒井安邊諸砦七月揚威將軍阿彌達奏言逆賊王輔臣率精銳與秦州逃寇屯聚平涼慶陽依山爲固請遣大將軍貝勒董鄂等會平涼而遣提督陳福速取定邊固原以斷其援

詔從之公自花馬池進圍定邊鑿濠四面以困賊朱龍復自綏德來接公遣將掩擊於沙家澗生得朱龍父子而定邊僞副將倪光德亦爲其黨脅掖乞降卽斬光德與龍父子軍前王輔臣旣失定邊乃乞撫以緩我師

朝廷察其詐立遣將軍張勇赴秦州會大將軍貝勒董鄂入平涼而命公出固原夾擊之八月公進兵平遠禽斬僞官二十有二人捕首虜二千餘級獲輜重器械無算再進斬僞參將陳啟元遂奪其城是月又以舉王屏藩逆書進公爵三等男公謝乞上提督印專領甯夏鎮事詔不允九月進兵固原中衛副將賈從哲游擊張元經臨陣先退公劾

其罪斬以徇於軍議者或言公所部宜并力赴平涼  
詔以問公公奏言若先趨平涼則固原賊必乘閒斷我糧道非萬全之  
計莫若先攻固原挫其鋒銳俾賊自顧不暇然後留兵守固原臣自以  
精兵會平涼

報可公遂督師西進屬暮大雨雪公督進益急暮抵惠安堡下令五  
鼓會食急趨固原城下後者斬是時賊將來降者多在軍中潛誘軍士  
爲亂夜半鼓噪入營門衛士皆解散公倉卒未持兵刃遂薨于軍時十  
二月二十二日也事聞

天子震悼命總督趙良棟按亂首得參將熊虎等四人皆斬以徇追贈  
公爵諡曰忠愍賜檀香木爲首以葬加祭二壇御製詩一軸建祠甯夏  
賜祀田十頃俾家焉賜世襲三等子以公壽子世怡襲超擢公弟奇  
爲天津總兵官十八年冬奇上疏言臣兄福捐命疆場妻子留蜀生死  
未卜乞

詔征蜀諸將縱跡之後三年四川平弟壽爲鴻臚寺少卿復奏請入蜀  
訪兄子得之萬點山中廬舍偪仄壽號泣而入夫人猶不肯告以故  
乃大哭呼其子世琳出與壽相抱哭左右與隸無不灑涕壽還都請以

襲爵還世琳

碑傳一百一人

三六

上召見世琳問以母子流離狀世琳言吳逆怨臣父斬其使殺臣家數  
十口然終欲招致之故繫臣母子重慶獄重慶守鄭某知臣父必不附  
賊陰釋之臣出山後聞鄭闔門自縊矣臣母子潛伏山谷草衣木食經  
七八年乃得復見天日因免冠叩頭泣下嗚咽不成聲

上憫歎久之即除直隸三屯協副將

恩古北口總兵官鑾儀使卒子益

嗣三十六年

上西巡駐蹕甯夏遣大臣索常泰奠公墓雍正八年

詔入祀昭忠祠益由三等侍衛出爲直隸固關參將官至雲南楚姚蒙

景總兵官卒子大用嗣今爲江南提督

論曰昔新城正文簡公典試入蜀與公交稱公爲儒將越三年而公以  
死節聞夫儒者明於大義之謂雅歌投壺輕裘緩帶儒之末節耳公身  
經百戰所向無前有英衛之風及滇逆侏張全蜀失守平涼固原皆爲  
賊巢公以孤軍介其間謀國忘家累斬賊使忠義之忱炳如皦日

天子委以心膂倚爲長城費禱未備乎郭循桓侯竟隕乎張達哲人云  
亡痛矣悲哉然而

恩賁重泉賁奕世姓氏入名臣之傳組豆永昭忠之祠生榮死哀公  
實兼之夫衛霍功高一再傳而矢侯而公之後嗣皆能以功名自奮豈  
非忠孝之門必有餘慶天道固昭昭可信耶大昕與公會孫樹齋先生  
善敬讀公家傳爲敘次之以志景仰之忱俾百世之下聞者興起焉



碑傳集卷一百十九目錄

忠節上之下

贈太僕寺卿高公天爵神道碑銘黃百家

范忠貞公承謨傳郭棻

又闕總督忠貞范先生傳彭鵬

又范忠貞傳戴震

附錄和淚譜嵇承仁

王龍光 林可棟 沈上章 侯全

又次和淚譜王龍光

嵇承仁

又誥贈光祿大夫太子太保文華殿大學士兼吏部尚書留山嵇公神

道碑顧極高

又義士贈國子助教嵇先生傳賈兆鳳

又殉難三義士合傳吳陳炎

又嵇留山先生墓表秦松齡

馬文毅公雄鎮傳王士禛

碑傳一百十九目

又馬文毅公傳蔣士銓

又馬文毅公廣西殉難始末徐乾學

又附贈兵部尚書馬公家傳邵長蘅

又家士部因行

又高顯次

又高顯次

又次

又次

又次

又次

又次

又次

又次

又次

又次

又次

又次

忠節上之下

贈太僕寺卿高公天爵神道碑銘黃百家

一代勳輿數十年後必有蠹爾之警以擾動生民而斯時固賴有定難之臣以莫安社稷亦賴有殉難之臣以植舉綱常如三監之周公七國之亞夫此定難之人也安史之有張睢陽顏常山儂智高之有孔宗旦此殉難之人也當其毒起變作有其權則扶危定傾殲大憝以安君國無如何則捐軀盡節明大分以植綱常蓋君父之分明即反側之膽喪綱常之義立則忠赤之勇生殉難定難其功一也頃者耿逆之難建昌太守高公殉焉公諱天爵字君寵其先山東高密縣人日有者以被誣配遼鐵嶺衛公始祖也四傳至尙義由從龍戰功累封世襲二等阿達哈哈番公之父也公年二十五以貢授高苑知縣擢信陽知州再擢長沙知府親病告歸旋補建昌報最陞淮揚鹽運使未行巡撫董公衛國以公才特疏留公而孽藩之難作建昌當闔師西出之衝公念建昌不守則南昌勢如破竹欲效睢陽之效死以蔽遮江西阻遏其勢願是時藩師羣煽諸盜蠡起數月之閒響應者半天下羣疑洵洵建昌守將亦潛附於賊公明知勢不可支然猶繕城垣募壯夫方思以計取守將而賊已至公擐甲持矛逆戰被執公欲死默計曰與城存亡我志也令城已失徒死何為倘得見逆不可為曹沫刺之事乎就檻入闕被羈志不得行於是偵知逆將有思反正者謀於同羈范公承讓激令圖逆而潛遣徐必勝迎請王師謀洩被害丙辰九月四日也昔儂智高之反丁元珍守端州賊至而走歐陽廬陵猶為之表白謂縣官不設備而責守吏不以空手捍賊宜原其情公之所值更非智高之比公即不死其情可原而公固不屑自原也不但而已一死謝責無補君父公雖死死不安也於萬無如何之中猶欲躍匕首於秦庭刺呂戈於卓腸則公之所以處死以植綱常者豈不尤難哉生于天命庚申二月二十四日距殉難時春秋五十有七公既死王師入闕逆即降滅

天子詔公樞乘傳歸子祭葬贈太僕寺卿蔭一子國子監生傑逆於西市殉以從逆者自是諸孽盡平海宇廓清野無犬吠城不擊柝於乎追念公殉難時齋志

君國之憂今知在天之靈其亦可以大慰矣元配杜太君繼配梁太君

俱累封恭人以子其位襲職晉封太夫人子六其位世襲二等阿達哈  
哈番兼火器營操練尉其任世襲阿達哈哈番防守福建協領先卒其  
任衡陽知縣其佐樂安知縣其佩宿州知州其儀牛泉女三平山知縣  
李成龍候選知縣郭維屏江南守備梁嘉植其婿也孫三紀勳績純  
勳公勇略夙優初令高苑版章草味郊壘尙多公自率數騎往撫之則  
遇賊眾公援弓白矢應弦而倒賊大駭悉降賊陷鄒邑博興公夜馳往  
救復之晨返而民始覺信陽兵革荒殘公極意拊循新屋新船易其榛  
莽長沙值滇黔用師軍需蠶午公無失挽輸無傷撫字建昌金聲桓亂  
後餘寇憑險劇甚公密設方略親莅戎行直搗其滴水羊石二巢賊其  
渠魁拔陷民無算凡此者在他人書之皆魁壘可傳於公特餘事耳銘

維皇神聖照臨萬方洪開文治撻伐其張蠢茲三孽胡不自量滇南首  
逆閩粵效狂維時高公刺彼建昌一城如斗當閩西衝土寇外合叛帥  
內藏矯矯公志經營禦防迎戰被執此心不償臣身甚微臣心甚長奚  
補君父與城存亡匹夫有怒五步尸殪大慙可伺遂入閩疆被拘不果  
公心轉商借彼逆將俾彼自戕此心君國百折不僵至不得已殉身劍

碑傳一百十九

鉞昔顏常山志在興唐未甘一死委賊君王常山用權先且迎降建昌  
就執屈膝未嘗迹其丹衷千載同芳稂莠已燹贈卹有章穹碑勒銘以  
表臣常

范忠貞公承謨傳 郭棻

公諱承謨字觀公號螺山文肅公仲子也沈毅英敏期抱偉岸年十七  
充侍衛順治八年辛卯

詔入旗茂秀子弟應制科遂登賢書明年成進士改庶吉士讀書翰林  
院猶閒日入侍甲午

詔免扈從頗意肄業益肆力典文授弘文院編修乙未擢秘書院侍讀  
學士辛丑陞國史院學士康熙六年丁未教習庶吉士戊申陞都察院  
右副都御史巡撫浙江公居禁近久雖謹嘿自持然留心經濟於民生

吏治瞭若指掌

上既親大政思得貞廉以風天下首擢用之公亦毅然以匡濟爲己任  
及至浙絕苞苴禁私謁公移呈牒嘗積日不批營屬吏莫能測居月餘  
一日俱下利弊情形悉申機宜諸僚吏皆相顧歎服故事制撫受事三  
月後得劾奏不法吏及期兩司列狀以白公閱而哂曰是欲吾舍豺狼

而問狐狸耶還之翼日忽拜疏一時墨吏皆列白簡中諸僚吏無不驚懼悚息浙故多巨猾率虎而翼擇人以食莫敢嚮邇公曰稂莠不除嘉禾不茂若輩皆大爲民害者廉得其人俱立置重典間有一二逋誅亦盡室走他方終公任內未敢一涉里門也浙東諸郡田多磽确或斥鹵彌望舊稱瘠土以故正供懸逋令以謫罪民以播越公爲請蠲奉旨該撫親行查勘公卽日戒途省車從裁供給從者纔數人凡山陬海濱部屋窮簷罔不躬歷或暫憩郵亭或偶息樹蔭山農獻脫粟村圃剖瓜分果公旨之如飶大烹也所至之處父老對語稚子投懷於是民隱畢達舉應蠲者皆具實以聞疏再上遂蒙

報可辛亥歲大祲民無食公額天自罪捐粟設糜借司帑八萬乞糴吳楚未幾米艘銜尾而至下令平糴民以不飢是歲嘉湖兩郡水災尤甚疏請改折漕米二十二萬四千餘石冬復大雨雪仍請緩征俟明年蠶熟俱得請湖州例辦南北絲十一萬斤有奇南解江甯北解戶部運費不貲公請悉交杭州織造局又得請嘉湖應輸白糧六萬六千餘石玉食所需歲有定期公念災民無力疏請三年帶征亦得請公感激異數竭力撫綏體素羸弱夙疾陡作因力疏請罷

碑傳一百十九

三

温旨許之浙人輟耕罷市排制府闕號泣請留制府以聞

上念其誠特頒温諭勉令力疾視事壬子冬拜兵部右侍郎兼都察院右副都御史總督福建軍務疏辭不允請

陛見允之瀕北發浙民送者互百十里擁舟不得前有警者百輩長號舟前曰小人心感公德目不能睹公顏願得進抱公足一摩公衣公矜而許之警者泣不止公亦爲之雪涕如是者竟十餘日出境百里外始得放舟長行也抵都入覲

上慰問備至公頓首謝且力引疾

上曰卿氣喘語艱且暫休息旣出

詔遣御醫就第診視兼賜上方藥餌逾月病稍可

命馳赴新任先是閩藩耿精忠請撤守歸京師

救遣吏部侍郎陳一炳爲治行公至閩籌畫深謹人不能窺精忠自襲父爵驕蹇多不法憚公威望引姻婭少長誼執禮甚恭公接見一遵儀

制未幾吳三桂反

詔止閩藩弗撤精忠不自安遂陰同三桂逆謀公覘其言貌異常深憂之欲出巡海嶠赴漳泉閱鎮兵以遙制之精忠力撓其行公自計麾下

士僅三千人皆習與精忠部曲處脫有變不足恃乃密檄諸道將以謁  
新制府爲名各率健兒至用折逆謀未及行精忠反佯言海寇且至邀  
公議事左右請衷甲以從公曰毋眾寡不敵躁動奚濟未幾巡撫劉秉  
政亦至促之同行公明知事有變故坦然按轡至逆邸已露刃蜂屯矣  
公知勢無還理挺身而前仰天大罵賊眾環臨重加束縛時一二狼卒  
有誤持劉臂者逆黨馬九玉急叱曰巡撫我一家人秉政惶恐斜趨而  
出公噴血切齒醜言痛詆賊眾拘之監室水漿不入口者凡八晝夜舌  
敝唇烈齟肉皆腐罵聲漸微聞者猶狼藉塞耳曠目怒視閱十日神氣  
反旺自度不能死稍盡杯水精忠復遷禁向內峻堵密棘防之益固一  
日忽遣逆黨劉秉政來說降公時枉械被頭別令兩卒扶之下牀劉且  
前且揖方冀有所陳說公奮足力蹴之劉狼狽失故遂仆地左右掖之  
而出公曰諸逆無道旋即誅戮我一擊之力似不可少公在幽繫中七  
百餘日日冠

賜冠衣辭母時衣每逢朔望輒奉時憲書一冊被械北向拜跪溽暑時  
濕蒸如膩蓬垢支離蝨蟻蚊蚋攢嘬不休冬深夜永霜飈海氣侵入肌  
骨卒堅忍之罵詈之餘閒作詩文無毫楮乃燒桴存炭畫壁上得詩若

傳一百一十九

千首復爲文自敘其生平大概云丙辰王師破仙霞精忠降飾辭希免  
死慮公白其實於九月十六夜遣逆黨來害公公時方側臥聞變微笑  
曰今日方畢吾事索

賜冠賊黨呂八者奪而擲諸地復蹴之公怒以械索摔其頭幾斃乃披  
衣露頂遙望

關九叩首曰罪臣奉職無狀死遲矣遂遇害一時同死者自幕客至隸  
卒凡五十三人初公之被難也部曲有張福建者聞變手雙刃大呼奪  
門當之者無不立斃力竭被執賊愛其勇欲全之大罵不屈卒就死繼  
而精忠以三十二人監守公中有蒙古人嘛呢者爲僞散騎郎謀欲免  
公於難事泄精忠訊之大言曰范公忠臣爾逆賊寧與忠臣同死不願  
與逆賊同生精忠怒磔之又有秦甯人許鼎者義公所爲恆陰左右之  
凡所存片紙隻字悉爲收藏精忠旣害公令賊黨焚屍棄之山野鼎預  
爲伏匿夜分行亂石宿莽中覓得燼骸藏於家明年鼎負骸潛行紆折  
萬里竟達京師事聞

上震悼遣內大臣佟國維等三人御前侍衛二十人齎大官茶酒哭臨  
其喪至壬戌精忠伏誅當赴曹時公子時崇親執刃寸磔其肉取其心

以告於公見者無不噴噴

上念公純忠大節卹典概從優厚營葬加祭任子賜諡忠貞至

御製碑文親揮宸翰詔以真木賜其家尤屬古今曠典公忠孝性生友

子敦篤贍給族黨不遺餘力擇交惟謹雖賓客過從日盈座上而心許

者十不一二然春風所被無不傾倒者居官剛正廉明而寬厚愛人體

卹民隱故所至人歌咏之至此之愛日德星焉公博學彊記善屬文於

詩尤有法遭難來多所散失僅存吾廬稟浙閩奏議百苦吟畫壁詩文

行於世

又聞總督忠貞范先生傳彭馬

忠貞先生諱承謨號觀公遼東瀋陽人開國元老范太傅文程公佳公

子也辛卯獲售壬辰江南桐城程其相先生分校詩二房

忠貞出程門以進士讀書中秘年甚少忠孝自任宦情淡若引疾解任

不一請後以秘書院學士巡撫兩浙總制入閩皆

特簡公感

知遇又念高祖大司馬公及太傅公爲國股肱心膂願忠思報會逆藩

叛聞知公必死重公名必欲生致公勸誘公不肯降拒僞罵賊拘囚幽

室守者日夜護視不得死公於幽室懷

御屣晨夕捧對逢

君親吉且與夫朔望諱辰強起乞守者扶掖荷械稽首視坐臥不離漢

節者此爲過之我師入閩抵劍津逆始歸命殺公以滅口

天子聞之嘉公節贈廢易名行見風厲矣閩人祀公於烏石山敬公之

忠抑以懷公之德也公督閩未數月耳澄清之志過化存神閩人之不  
終被者天也先撫浙入境微服開行東甌括蒼西水若霽諸郡邑真知  
灼見不假耳目以是興革旌別皆時宜其請寬海禁聽內港採捕請蠲  
浙省荒早積逋請武林城固屋免賦年飢粟生金死發公帑十萬兩遣  
官糴米豫楚立官市平價全活者不以數至今東西浙流風遺澤談者  
輒歎息流涕謂公將蒞閩過西湖於孤山七賢祠題一絕云偶對羣賢  
意轉迷風流事業豈湖堤欲招處士孤山鶴跨向遼東華表栖寓意遠  
矣公遭難筮得蒙其繫幽暗踟躕之地狀若谷自顏以蒙谷爲文以序  
之日承謨蓬頭垢面繫頸攀手者將三歲乘未灰餘燼志梗概於壁俾  
後日見者知謨遭時不幸云昔我

世祖章皇帝親政簡侍衛近臣念太傅公孑忠累朝謨以元勳子充選

獨許在家誦讀凡扈蹕值宿遊獵巡行悉免從惟慶賀吉期隨班行禮是年辛卯

詔八旗從龍子弟一體鄉會試春秋兩闈得與聯幸科名叨選庶常告假奉親辭職無由每遇遷秩反越常次嗚呼

先皇帝之恩臣何以報也辛丑龍馭上昇兄充總兵官於外謨以病請解任既廷議撤援勦諸路兄旋師日偕侍太傅歡丙午七月望闈族少長集東臬較射飲酒賦詩屬對

太傅公顧盼怡然命之曰吾家世受國恩而等速當補官為國盡瘁毋以予老為念八月二日太傅公卒戊申服闋補秘書院學士決志遂初伯叔昆仲皆謂而忘太傅公世受

國恩之教乎肝膽塗地無以酬甘自廢棄平日所談忠孝謂何謨聞之不敢行意初太傅公在日

皇帝沖齡未親政一日謨偕同官進大內用寶上詢曰爾為誰氏子臣謨悉舉太傅始未奏

上曰爾為若子耶如是者三後值朝賀期太傅公入朝上曰此某公能稱說

祖宗朝事甚詳每指問左右不呼先太傅名謨又以病請解任補謨缺者

上問久不見范承謨此為誰闕臣奏以病此補其缺者上曰果病耶劇耶病痊尙起用闕臣奏病痊即補

上首肯至再恭逢親政臣以學士得侍從廷推浙撫列謨名

上曰浙東南要地為國計民生承謨可臣受命棟樑力微德薄旱潦頻仍蟲疫疊降三歲內勘荒拯災請蠲請賑免徵改折凡為民請命之疏雖部議中格奉

旨必令再議或徑得旨如所請行久之舊疴新疾屢體交攻又以病請奉

旨准馳驛回京調理維時兵民商賈負販之徒擊登聞鼓叩闕乞留者數月如狂荷恤勞臣未收

成命其後以輿情從提臣請不准繼告留浙年餘力疾撫事康熙十二

年壬子會推八閩總督故事降級未開復者例不列特簡破格是年十月二十五日邸報至重感氣逆證時減時發力辭未

特簡破格是年十月二十五日邸報至重感氣逆證時減時發力辭未

特簡破格是年十月二十五日邸報至重感氣逆證時減時發力辭未

允冀得親籲病狀請陛見

報可召對首詢江浙生民疾苦暨一路閭閻風景條奏無隱次卽股股問病遣御醫就宅診視方賜秘府藥頒尙方希有也位薦舉一案據拾者以人材失眞其疏自認罪研究無瑕乃寢夫曾子大賢也其母賢母也三閭般人之言投杼而走賢非曾子信者又未必如曾母之信其子實賴遭逢

聖明洞鑒心跡微臣清白忠正屢向左右言之矣京察內外三品已上得自陳又以病請察典

命下仍令速赴新任御醫奏少痊臣感知己之

主遭人言蒙疑謗而不加斥逐爾隆任用安忍以軀命爲念偷息衽席避難海疆陞辭舉撤藩爲問奏曰撤之甚當不可驟其時部臣已就道上日聞中海氛未靖民困已極爲天下繁劇地惟卿廉能素著爲天下最故特倚任乃賜御衣賜內廐良馬鞍轡命近待就大廷宣前旨且溫語曰此朕時刻所御之服解之衣卿如見朕也次日賜宴就道許國以身不遑將母矣抵山東界宿羊流店相傳折臂三公處其夜

輿傳一百十九

七

賜馬俎歎息良久恐馳驅天末之匪吉踰浙抵仙霞層巒巖嶂霧迷漫中藏猛獸毒蛇磨牙張舌擇人而噬至浦險灘怪石奔流急瀉崎嶇甚於蜀道變幻疑於鬼穴周爰咨諏不覺失聲大呼曰閩事之廢弛者非一日也羣心之不堪問者非一事也夫計軍政文武勸懲之道存焉此方有廉能循吏智勇干城而使之淪落一官淹塞功名金錢不輩其壘薦贖罕列其名是廉吏勇將之心不堪問矣黜幽糾慝么麼充數而貪酷方面悍婪巨鎮日惟苞苴是營安享富貴是握樞者與敗檢之心不堪問矣學校考取千情鬻賄而寒窗埋頭之彥百無一是奇才異能之士志心不堪問矣沿海苦兵二十餘年有司加耗重徵敲骨吸髓而錮冤之實惠不及蠹役訟惡之魚肉彌甚是父老子弟之心不堪問矣兵卒荷戈守山戍海負隅則有虎豹窺伺則有鯨鯢藉其死力以爭此土而錢糧欠至半年庫銀缺額百萬餘兩協餉久不至是呼庚呼癸之兵心更不堪問矣嗟乎半壁一綫雖智如長平勇如黃舍亦難展足措手而況蕭牆之禍已成哉癸丑冬部臣入境奉

旨藩下左右鎮歸并地方官卽與撫提會議分防量撥一二營暫住徐令遣行不致惶惑掌兵者始應之而中撓焉必圖盡遣矜渙散之軍心



驅之使附密語不聽日趨行告以少俟浙餉至補足舊欠預給兩月庶  
途次成所無他慮急之倉卒變生亦不聽趨日急兵心洶洶矣方溟逆  
蠢動風聞煽沸而停止撤回之差齋

命星至彼得復縮兵符矣繕甲練兵秣馬稱干比戈反形見矣不幸不  
得一同心同力者而懼於難也必矣然終不以時艱勢蹙而不急急收  
拾人心以補苴救漏也條奏請速展界者安民也請撥現在協餉者安  
兵也請將綠旗官兵裁去原額補足者實營伍也請免緝投誠逃弁許  
投到宥罪安插木處者清山陬海溼也題補城守副將沿海勞弁敘功  
苦而邀不次令彼感激報効也報巡邊海形勢起行日期者爲欲置  
身外郡便調禦防範也頒刊示而准採捕活溝瘡也弭盜賊而聯保甲  
者儲鄉勇也寬林簡修而招吳成者一安投誠一散島眾也天若假以  
時日獲奉

命旨諸能就緒滇銳稍挫閩勢漸孤則逆謀不熾自戢天乎天乎何竟  
使承謨五月如寄一事無成乎當逆疾病居喪必親弔慰乘閒輒諷喻  
大義西席稽子留山心竊慮之曰昔魏文貞公有言靈爲良臣毋爲忠  
臣神龍見尾不見首公其慎之舊升王天祐等亦曰連日之會輕蹈不

碑傳一百一十九

測左右多戒心公談笑自如如入無人之境竊以撫提未可與心語咸  
應之曰吾非昧此也寄孤危之身處艱難之際嘗訛謗之秋惟示以誠  
使小人無能乘其隙緩彼之疑濟我之事死生禍福誠不自計旣委身

事

主則父母之身卽君之身有死而已夫豈不知徒死無益而事勢至此  
舉動牽制上下左右皆彼腹心雖閉門築壘其能免耶稽子留山等歎  
息退闕安福省門戶也將帶兵弁數十人往闕形勢督營將佐皆以帳  
房什物弓箭器械錢糧不給朽壞未整爲辭逆卽遣官來言邇日訛言  
少息遠出恐復驚疑撫軍卽來力阻感應之曰行不過一視海口非長  
往旣止卽罷靖藩祖孫父子兄弟姪姪受

恩異常奈如親藩與公久在封疆乃心王室社稷蒼生之福也語竟退  
麻鬱鬱不能釋一士進曰公旣不得闕海援滇事震楚設備鄰封出省  
會扼上流此一策也謾曰計過矣楚閩開隔西江風馬牛不相及無論

輕舉貽笑且啟釁端招奇禍子不見閩安未果之行乎約攜兵弁尙支  
吾未備今往據上流誰與爲徒況彼逆節欲發他日反得藉口爲我所

迫激變軍心風聞者糾彈於前按罪者細苛於後合族無噍類累世忠

貞一旦掃地子不見長沙撫軍之棄封疆乎負輕去失守之罪招激變  
隕滅之殃身名俱喪吾不爲也越數日爲康熙十三年甲寅三月十五  
日疎爽逆員詣院謂王守制數月未嘗清理軍務今海上乘滇南多故  
窺伺生心王新奉固守地方爾此年救命不敢以私情廢公事願與公會商爲護內防外策未釋喪服未便  
就教乞命駕撫軍卽來邀往是日陰雲慘淡愁霧迷漫冥冥漠漠太陽  
無光入逆巢廊廡殺氣不可以目已陷虎口挺身而入慷慨仰天厲聲  
正辭逆怒越縛有誤持劉臂逆帥急叱誤者嗚呼痛哉君親倫理滅絕  
已盡張口切齒激速一死而不得則以不食死逆羅列飲食揮之去舌  
敝脣裂齟內俱腐聞者瞋目怒視而又恐致死夜燃庭燎前後設炬環  
視層層縲絏肢體拘攣凡八日氣漸微聲漸細一息尙淹罵不絕口閱  
三日微者漸壯細者漸宏聞者回瞋反以爲異嗚呼痛哉豈臣當死于  
刀鋸鼎鑊而不當死於餓哉神魂恍惚常有所見近而承世祖章皇帝式臨先太傅侍立遠而  
太宗文皇帝暨先高祖大司馬公幼穉所未經事者音容笑貌夢若親

碑傳一百一十九

九

慈旨殷勤嘉言慰諭豈臣思念結聚而爲形哉抑天錫

神聖默恤臣之堅貞憔悴哉計七百餘日舊時衣冠徂寒徂暑蟻蝨蚊  
蠅恣其攢噬逆時遣問狀日迫粥食沾脣不得死守者見謀多方慰解  
百折不回因爲謨言罹難時事暑中賓客戚友僅僕被執勒訊桎梏窘  
辱各以忠義自勵不爲少挫而二三婦女從容就義相聚投環嗚呼痛  
哉閨之辜高官擁厚祿者不爲不多矣仕於時者不爲不盛矣閨門榮  
誥之婦不爲不光且耀矣而望風稽顙保妻子活軀命蠅集蟻附獨謨  
賓客戚友身未拖朱紫之策口未油升斗之祿感謨人之意向能念  
君父重名節皆以身殉孤臣囚繫三年如廁一人卽健兒奔走之徒巾  
幅臧獲之鄙亦知寸心不立見危授命臣雖藉手以報稍維廉恥而勢  
窮力竭貽禍波累萬死又奚贖重垣局壁中燒椽存煉畫字牆上前後  
凡得詩三四十首攻擊太毒左右輒刮去僅存若干自序以文見者知  
誤遭時不幸與求死不易云爾此序傳後又傳有紅螺寺巨辯行者碎  
贈武彝山人賦山人許姓鼎其名問泰甯人卽許校尉相扶於難亦三  
歲行者殫先生自謂也卒之日或曰賊弑而沈於江或曰骨碎而灰之  
蓋至是乃得死先所愛西席稽留山名永仁錢塘博士弟子員世籍錫

山感忠義不屈同日俱被殺留山妾蘇字瑤青年十七江南常熟人取佩帶面留山自盡傳埋囚所屋北冬青樹下云闔署親戚婦女僮僕視死如歸亦得死所姓名恨不傳公罵賊語多恨不傳傳蒙谷序志概也聞有弟同死逸其名

古愚子彭鵬曰鵬初讀蒙谷序詞以哭之繼以傳皆丁巳木蘭稟其後滇黔悉平追襲封疆死節諸臣

天子特贈公太子少保兵部尚書得諡忠貞前傳改稱諡重易名也公靖節於閩閩人專祠祀公於道山又請於專祠春秋永行官祭禮乙亥五月撫軍卞公代題部覆奉

旨如所請八月御書忠義流芳四字賜額公祠千秋瞻仰彼偷生附逆者涓涓安在哉

又范忠貞傳戴震范承謨字觀公漢軍鑲黃旗人大學士范文程之次子年十七選充侍衛仍以茂秀得應制科中順治壬辰進士由翰林院編修擢秘書院侍

讀學士遷國史院學士康熙七年授都察院副都御史巡撫浙江時吳三桂王雲南耿精忠王福建尙可喜王廣東號三藩王驕蹇未易控抑

朝廷一示以寬大恐急激生變承謨至浙以固民心爲本劾奏吏之爲民害者及得民間豪猾除之務使民安靜樂業浙東諸郡田礪碩積連

年久承謨疏請蠲免得詔行巡山農進脫粟飯瓜果受食之與父老童稚相接語以故悉民疾苦設施拯恤八年嘉湖二府水災疏請漕糧停運十年請甯海太平平陽石門烏程五縣及温州衛漕糧積運概行停止戶部覈漕糧無豁免

例

聖祖特旨下部再議卒寬恤免徵承謨在浙四載前後疏奏

天子悉俞其所請民無負累以得安其新業

朝廷知承謨曲體民隱撫民如食疾子而福建邊疆重地海氛未靖加

承謨兵部右侍郎兼都察院右副都御史總督福建軍務承謨未赴任

以病疏辭不允請陛見允之遂入覲口陳軍食欠闕及需餉急切情狀

時康熙十二年七月也承謨至閩疏言閩人活計非耕卽漁自禁海已

來徙邊海之民居內以臺寨爲界民田廢棄二萬餘頃虧減正供至二

十餘萬請聽民沿邊採捕十取一以充漁課其所入可接軍餉又陳軍

屯有五便請使受餉之士卒墾闢荒地六年後始裁其餉是時吳三桂

反於雲南承謨密上封事言功令錢糧考成太重及盜案處分太嚴致有司專務催科其相諱盜圖苟免參劾請因時制宜以寬廣得民會閩藩陰與吳三桂連結謀逆已成承謨規其言貌異常欲出巡海嶠赴漳泉閱鎮兵以遙制之不果行乃密檄諸道將以謁新總督爲名各率健兒前至用折逆謀事未集而閩藩反詐執承謨承謨仰天大罵耿精忠素憚承謨威望殺之重民之怒乃械繫承謨置守者三十二人賊進水漿承謨絕食八日不死而巡撫劉秉政已爲精忠所得遣說承謨降承謨令兩卒扶持下牀秉政且進且揖承謨奮足蹶秉政仆地罵曰諸逆旋當受誅我先禡其魄十七年九月王師破仙霞關精忠降遣人刺承謨以滅反狀同時死者自幕客至隸卒五十三人承謨居械所三載

御賜冠衣辭母時衣每朔望奉時憲書置上几北面拜跪及死時賊夜至承謨起索冠賊奪而擲之承謨以械拉擲冠者頭乃整衣望闕九叩首竟被害賊焚其尸棄之野泰甯人許鼎先伏匿收得燼體明年潛行負至京師天子震悼賜諡忠貞

謹案原編有請改折漕糧疏一首已見經世文編今不錄  
碑傳一百十九  
二

王龍光 林可棟 沈上章 侯全

和淚譜者中丞公處患難中以炭畫壁所爲作也何以取諸取諸文信國只恐史臣編不到老夫和淚寫新詩之句也閩難之作或者議之謂公粉飾太平則有餘哉定禍亂則不足此語似是而非甲寅之難非自公始乃軍國醞釀之禍自公而受也公未莅止先有蠢動機及公以孤危之身履盤錯之地文武不相熟兵民不相習孤拳隻掌支撐於虎口浪尾之間雖謀勇百倍人亦莫能有濟而況牽制功令束縛例條安敢輕棄封疆蹈罪履禍而爲行事便宜之輕舉哉公被執時大罵求死不可得餓十日水漿不入口求死又不可得僕輩因勸之堅子卿之節俟天兵聲罪致討目擊賊首受誅亦快心事但忠孝節義操之自我生死禍福聽之于天一旦依稀泯沒不得如草木之留根芟於人間傳聞失真紀載少實非所以砥世道回狂瀾也故於公詩互相酬和復撰和淚譜紀同難諸人顛末以略存其梗概云抱犢山農識  
耶溪先生姓王名龍光字幼譽七世祖居淝水之柘泉村明初隨大將

湯和經理東南愛會稽土地秀美擇而居之相傳世有讓德至今里名讓簷蓋以此也高祖家素封能緩急人鄉黨貧乏者多資之曾祖由明經通判粵中政有惠聲嘗白盜案之寃者卻夜金不受其人尸祝公德於罷官歸里日向旬旬而謝以故子孫忠厚清白皆由家訓所致先生降生時其祖母夢見高曾吉衣冠來家醒而燈火熒熒視之則坐草矣私卜先生後必貴勉之讀書補博士弟子屢挫場屋不得售同胞三人伯仲早棄世先生中道喪偶生子三長垂謙邑庠生次垂訓季垂謚悉馴謹工書史滄桑以來家漸陵替先生不樂處蓬巷有四方之志慕秦中山川雄盛古帝王將相碑塚存焉為驅車遍歷倦而言歸時年已五十餘矣范公撫浙延置絳帳教其愛子課誦講解之外一室寂如先生不與人較長短競得失抱璞守珠如木石然所以儼薄妒害之客多容之而又性甘淡泊不自言其窮苦於是家道日益窘范公督閩念諸客中惟先生無闕行敦迫偕往先生為嚴父春秋高遠巡膝下父曰范公有德吾越不可悖之老人筋力粗健桑榆無恐汝第往毋內顧也先生在閩視余加厚有故人之誼蓋自浙聚首以至於今耳被難時猗獐者張弓挾矢荷戈執爨驅之而行如就西市狀余與先生攜手緩步雖吃

碑傳一百十九

三

叱不之懼私相謂曰余兩人氣誼頗同死之日願魂魄聚一處先生曰唯唯公撫吾浙請蠲請賑救活父老子弟億萬口余以一身代越人報之又何憾焉余壯其言而幸死有同志泉下不寂寂也是刻天光慘淡日氣昏濁余輩處亂屍血窪中俄而迫至逆邸擾攘之頃脅余輩草安民檄不從誘以官爵又不從觸其怒而械繫之俄有李明經者受逆命說余輩以筆墨從事余輩極口唾詈又堅拒不之從是以幽囚兩載而至於今先生在獄無憂愠色日惟歌詠怡情著養花說一帙賦詩五十餘首有岑嘉州高達夫丰裁倦即偃臥最喜余所著續離騷夜則高歌一闕已而四壁有嬉笑者有怒罵者有悄然悲而淚下者以此為常先生雖瘦損骨立而無疾病亦由其懷抱曠達耳所稱達天知命之君子始其人歟

林翁可棟字能任福州閩縣人宋文昭公裔年六十九寡母張氏在堂苦節五十年今已九十三矣翁長子入庠早世繼娶何氏甲午孝廉琛之弟生季子文燾聘癸卯孝廉徐允登女未娶先有妾姚氏生仲子文熹已娶鄭氏女翁少時棄舉子業學吏事歷練敏幹具活人心隆武時由太學生授以職辭不仕翁知天意有在避跡鼓山欲薙髮從浮屠遊

提督楊公開闢閩疆熟悉公賢寄以帷幄軍興擾攘之頃翁不得已應之時山海交訌桑梓鼎沸翁居中多所保全總制李公初下車延翁座上諮以機宜翁在軍中至誠區畫瞭若指掌李公亦推心置腹信任不疑讀樹滋堂集其間如卻紅穹請居內地罷勦海無益師旅以及開海復界諸條議皆非經生所敢捉筆更難者保孤於遺疏之中翁真報知已於存亡矣翁與遼左侯公善侯公會宦於閩與翁從事戎行雅重其人每言於范公公信而禮聘焉許御史視鹽兩浙將備舟車迎之侯公謂翁曰范公為救全閩瘡痍而來翁獨不念鄉黨赤子耶翁聞其言感激淚下堅留不去余每見翁條析疾苦事反覆太息歎為仁人君子之用心數為公稱述公不以余言為謬有忌之者造為鬼蜮語亦不敢入公耳也難作之後鞠者窮究章奏事將罪余余曰死何懼但願得一見范制府死亦瞑目時翁獨為主者呼入殿中訊之知余不免慷慨相向曰余老矣死固其分豈忍使目中見殺才士哉願以身代嗟乎嗟乎鼎鑊在前刀鋸在後此時且有多方卸罪欲苟活其軀者翁獨奮不顧身如此彼人面狼心險惡排擠之徒寧不慚舜汗下乎翁於被難夜密謂余曰公死我輩誓無獨生理不如早相從於地下也陰以鐵鎖振喉頸

碑傳一百十九

十三

舌吐寸許而手輒不自支遂復甦余以手足拘攣逼摺緊密竟無死法遷者張燈火環而察之乃相對啜咽而已翁在難中遺屬其家不作一醜鼻語且以今日之死死於名義為幸翁真達於生死之際者哉沈子天成與余同幕府知其為華亭人敦氣節重名義者而不知其世澤淵源家聲光大蓋沐浴忠厚之深而負隱痛焉嘗揮淚為余言曰僕嫡姓翁名積治字端初先世秀州人居武塘嘉禾里九世祖文莊公諱綱以諸生從龍與李善長諸公同入閣有諱厚聲自是代有聞人曾祖諱玉鼎嘉靖朝由明經為大興縣丞遷松郡司馬防海禦倭有功歿於官留葬城西斜塘橋左郡人德之祀名宦祠祖父因家焉祖諱仰谿太學生事母孝捐貲賑荒收葬飢殍著十生訓愛周易積善之家必有余慶尚書慎乃儉德惟懷永圖四句為子孫命名著家訓垂戒謂宜愚毋巧宦讓毋爭生八子父行四諱香林字雲槐重名節寡交遊晚年好種花兼學佛生五子長積沛為夏公彝仲門人豐城鄭公諱澹若宰華亭特薦其文列於庠後緣鼎革夏公彝仲與陳公臥子皆死於難兄從之死舉家星散仲積溥削髮竄四方季積澄徙於浙從兄積澹等俱改姓王以避禍積治年最幼十二齡父見背嫡母王氏沈氏繼亡十三

齡遭家難隨生母徐氏攜幼弟妹匿舅氏沈公來家竭資產免籍於官  
舅氏撫余頂曰今日幸免天所以報善人也他日成立當繼父兄志因  
改姓沈更字天成拮据家務完弟妹婚嫁遊京師思博升斗祿養母氏  
仲兄痛慰祖父在天之靈茲從范公罹於難死報知己固其宜豈彼蒼  
不欲延命氏一脈耶言訖又淚下余聞其言而不勝嗚咽也仁人孝子  
不自薄其根本而後能急人之難不自墮其家教而後能成人之德聞  
變之日于戈擾攘沈子謂余曰公生死未卜遽以身試鋒鏑葬亂軍手  
中無益姑避之余曰留子在爲余輩收骨歸葬故里未爲不可沈子避  
三日夜俄聞余輩死信禱雷雨中願出踐然諾爲悼義者所縛獻於逆  
邸時鞠者正窮究章奏事將罪余沈子厲聲曰范公一生光明正大無  
陰圖人之念公且無他與書生何涉此細人卸禍之言也豈可憑信逆  
見其抵牾不屈遂并繫之幽羈一處然後知公及余輩尙存也沈子與  
余同寢食疾痛關切相依爲命有反噬余者則批其頰而詈之愧之鬼  
怪乃逡巡辟易膽落而止余輩每聞公起居無恙則私心喜或聞其抱  
病食息不如常則吞聲終夜飲泣蓋二三子與公爲存亡者也沈子著  
書一卷名聽鵑集花譜一卷載種植之事甚詳皆在難中所著述元配

碑傳一百十九

朱氏生四子善標善棟善棠善楙讀書於家皆稱醇謹沈子善周易卜  
公與余輩終且沈淪難底嗟乎光前耀後之事不能不有望於其四子  
也已

侯公其近代之名將也哉余生也晚不及見其少壯時而獨於垂老遇  
之公諱全字維垣遼左錦州衛人明季由世襲任臺頭營東協中軍膺  
力方剛萬夫辟易試之要地守備冷口漸爲秉鉞所知授劉家口遊擊  
又調至山海關撫標左營時邊事多警所至披靡望風而遁公獨當一  
面常匹馬入戰陣中摧堅破敵莫能攖其鋒因好衝突傷左臂撫軍李  
公見而惜曰此世之虎將也以軍功薦例當加擢公固貧無所資緣僅  
得燕河路參將缺李公慰藉曰毋抱憾知屈汝也俟後當入告公曰武  
人出死力捍邊疆得知我者足矣功名不足望也夫當煙塵震動之時  
得一驍勇善戰之將而報稱不當其功爲要路愛錢者所掣肘亦可悟  
國家成敗天運去留之故矣  
清初攝政王入關公首先投誠范太傅公時在軍中僉傳頌爲章京一  
切受撫賞賚皆泣其下公之識太傅蓋自此始也順治己丑年楊公提  
督閩省公以中軍副將從之征勦攻高峰寨擒新建奮勇獨著七年蕩

平山寇生縛劇賊洪國王張自左等九年海氛迫漳州統軍解重圍十  
年陞延平副將寄專城之任兵民俱利賴之公自行戎以來挈其表姪  
守備王天祐斬將奪旗攻城破寨如猛虎之搏平地山林草木皆爲之  
靡公出入左右未嘗一刻少離而天祐事如嚴父不自有其功十一年  
公因父年近九十欲奉養暮景力求休致得入籍徐州買牛犢耕種徐  
當南北衝古豪傑降生之地也先是公有姑表陳公一貫駐節於此公  
配爲陳公姊迎公之父養於署菽水未幾遂棄世下其地而墳墓之公  
以歲時伏臘便於祭祀不忍去其鄉故家焉徐俗犷悍有司復擇肥而  
噬遭外侮不能自范公兄都統公力白之當事貪殘者皆奪職坐罪去  
而家聲以振公世感范氏恩隨學士公實倚重之余嘗聽其談遺黎痛苦邊  
之人情風俗可少備諮諏學士公實倚重之余嘗聽其談遺黎痛苦邊  
海三十年無一日安衽席言罷淚如雨下聞者心俱酸學士所以汲汲  
於開海復疆請蘇積困也侯公年逼桑榆齒豁耳聾起坐需扶持妾紀  
氏隨之來調攝寒暖安慰寢食凡一舉一動皆以意先之而曲體其衷  
夜則衣不解帶口不言勞瘁甲寅變起侯公適在外紀氏料公必死懸  
束帛於梁從容自縊死僕王茂偕婦俱從死其子九歲緣繩斷而甦王  
廚偕婦同縊婦繩斷亦不死當此時也冠帶之倫縉紳之徒儼然鬚眉  
號丈夫者皆欲全軀保妻子而一婦人女子以身殉節視死如歸甚至  
臧獲之賤匹夫匹婦亦曉大義所在侯公之家教爲何如哉天祐被執  
迫之殿階慕其驍勇以好語款之許以重用祐曰某數千里隨總制來  
爲報恩故他非所慕語壯激不少挫遂重加囚繫之祐在獄捐軀圖報  
之念砲如鐵石有欲申救之者祐斥以不義慚而沮故健兒百餘輩皆  
遣釋去而祐獨極枯不解毒其甘心爲之也侯公雖脫難而栖栖海隅  
茹荼飲冰風聲鶴唳觸目心傷年七十七矣尙冀欲乘閒以報制府而  
危困窮迫無所聊賴有義僕李誠走求故交舊識貸錢養之公每鈔錄  
往古勇士志士諸俠烈典實事故以示祐堅其患難之志祐每屬余講  
解以自怡見危授命余敬祐之爲人焉祐生父諱都早世叔諱聘遼諸  
生也養祐於家聘亡其妻梁氏亦從夫自盡侯公之先屬王氏婿公以  
中表同居力任祐家殯喪諸事祐感而奉之數十年如一日雖祐之天  
性勇俠而公之訓誠亦綦深焉侯公其近代之名將而兼義烈者哉



江左稽先生名永仁字留山別號抱犢山農其世系通顯具載家乘可考而知也先生少負才華奄有聲稱居恆以救濟民生爲己任家於錫山居近東林講堂自名其廬曰東田邑侯吳公伯誠顏其額曰東田書屋嚴君中翰公與太傅范公周旋京洛爲故舊交比見世多擾攘棲遲田里性恬淡不事經營先生善養志凡父所欲爲與未及爲者皆力爲之先生孝友性成而才足以相濟所由甘旨自裕而中翰公亦得優游林泉也先生少爲諸生食錄有年噪聲名場中所爲文章往往爲人傳誦輒取科第已獨屢挫場屋鬱鬱不得志以親老昆弟未成室出就館穀當世知其具經濟才或聘治河或諏荒政歷有成效爲廟堂所許可先生嫉惡如仇多與小人齟齬而鬼蜮含沙害之者不少先生固無恙也少曾受業於鞠存張公之門張公居江淮所稱東溪先生者是也東溪教先生爲詩歌古文詞手授漢書經史諸編學殖淹博著述日富有一秋堂詩竹林集留山堂初刻又好爲填詞工北曲其遊戲三昧一種詞壇豔稱之若珊瑚鞭布袋禪自以爲少年筆墨不稱意惟揚州夢頗自謂略窺臨川堂奧櫟園周先生擊節其妙云與王漢恭之想當然並傳爲序以弁之且謂先生風度彷彿樊川慷慨有大志而不拘小節者

碑傳一百十九

十六

也先生惡文法之徒叢勝政事出入輕重高下其手刻集政備考一書便於仕宦給諫楊公自西序而行之先生尤精于醫蓋其始祖家中州石首公諱適爲主簿於楚有惠政小民俎豆之祀名賢祠宋州公諱穎以學士扈從南渡子姓散居吳越迄今雪川之練市吳門之蓉莊皆有傳派先生乃蓉莊之宗支也蓉莊祖瑩白玉蟾爲之下地云後世當出名醫以是子孫多習岐黃業先生到處負藥囊活人疾病著東田醫補四卷江右李孝廉與偕珍於家欲代爲梓行以傳世先生以數奇不偶將欲退耕梁溪之野賣藥金閭之市隱而不出感范公知遇從事於三山五嶺閒束裝之日錫山邑侯吳公偕諸名流置酒聽梧軒錢之各賦踏莎行一闕以懽悴二字押韻中有孤城殘角夢家山亂帆影裏人懽悴之句先生見而憂或歸告中翰公曰此行恐不利中翰公曰太傅舊諠何可忘促之行至署輒病以此意達之公公堅留亦和前韻以廣其意有停驂暫緩入山期哀鴻待爾離懽悴句先生勉留焉至仲春先生賦詩曰不知何事春三月剛到清明又憶還公解其意雖許之歸而未果也先生過仙霞時謁關夫子廟盟於神前曰余此行惟以救民爲務苦萌利欲私心願奪我嗣天地鬼神實聞斯語方逆藩潛蓄異圖先

生知之每告公曰事勢蹙迫宜早隄防與其爲忠臣毋寧爲良臣又曰神龍見首不見尾屢以危言喻之蓋先生實爲牽情慕義而至於此非昧於幾先者也不意遂及於難豈非天哉被難之日先生握手謂余曰吾輩將從公於地下矣余點首以答之先生神氣自若了無怖懼以一言懾服諸輩之心同就於繫逆雖脅以刀鎗誘以爵祿毫不爲動在狂狷中先生猶存心救世晦明寒暑筆未輟手續著東田醫補若干卷求方索診者不一而足先生嘗歎息曰死無餘恨但醫統廢墮學其術而未大展活人之心耳又著詩二卷一卷和蒙谷作一卷紀變又填雙報應詞三十齣乃爲揭公重熙死難之事其亡友袁參嵐託其表章茲聞林翁談報應事云揭公已爲建甯城隍先生之感而爲之友其於患難中不肯負人之託沒人之善如此又爲續離騷四種皆寄友意收藏之其囑友人詩曰此身若遂沈淪死留與寒家子弟看可喻其意矣嗟乎天豈以是限先生哉先生年甫強壯蘊有經濟爲世大用子二人長曰曾筠次曰右丹皆弱稚未成人然英英以露頭角天之所以報施先生政未有艾也獨是余以暮年同淪難底朝夕飮聞先生之教敷陳大要闡晰至理悲歌慷慨具由天性余之受益良非淺鮮謹述大

略以見先生之節義文章並堪不朽誠無負於公亦無負於天也

又語贈光祿大夫太子太保文華殿大學士兼吏部尚書留山稽公神

道碑願模高

康熙丙辰故贈太子太保文華殿大學士兼吏部尚書留山稽公以諸生殉福建耿逆之難時幕帥爲制府忠貞范公越三十有一年丙戌子曾筠成進士選庶常又二年忠貞公子廣東巡撫時崇上疏請卹從死諸人得贈公國子助教

今上龍飛之元年曾筠以兵部左侍郎奉命治武陟決河以能著勞績奠定兩河患十年之內凡三徙任六贈官雍正十一年癸丑遂拜大學士是年冬特恩給封四代公由累贈得加今銜蓋至是距公之死五十有八年矣夫人楊氏守節年八十四歲臥病邸第中頓首涕泣受命踰二日卒天子加恩賜祭命曾筠馳驛扶柩歸葬并令入城襄事越二年乙卯大合葬於公龜山之墓先是公葬時曾筠年在幼稚貧不能具禮至是議琢石以表公神道來請文余不敢辭謹按公姓稽氏諱永仁初字匡侯先世居常熟明福王建藩時有官中書舍人諱廷用者公考也遂遷金

陵會祖某祖某皆不仕公遊無錫其山水因家焉更號留山故今爲

無錫人公生慷慨有大略讀書不爲章句好討論

國家掌故補弟子員旋食餼父中書公與故太傅善太傅子忠貞范公

忠貞一見奇公許以國士會督閩遂偕公行是時吳三桂倡亂精忠與

相應和蓄謀未發會城文武大吏暨麾下士俱首鼠向背人心皇皇公

即啟忠貞公請撥協餉補綠旗兵安插逃弁令勿向賊又條議屯田請

假巡視沿海爲名提輕兵駐上游扼賊喉吭賊聞心益忌而吏士俱預

中賊餌號令格不行賊陽爲好會數請忠貞公誠勿往賊果設計誘閉

密室中隨驅迫公行吏士猙獍張弓露矢吐咤聲如沸公與王子龍光

故攜手緩步至逆邸脅草安民檄不許以官爵誘公極口唾罵有同郡

某仕逆爲顯官製鮮衣餉公公手裂反之賊知公不可奪乃械繫公他

所初范公之飛章入告也賊疑疏草出公手嚴鞠公欲置之死公曰死

何懼但願一見范公而死死不恨時閩中林翁能任者訊知賊心必欲

殺狀日嗚呼豈忍今日見殺一義士願代公死公謝之已而賊故不殺

公第困辱之冀少屈晝加盤詰夜拘繫手足蟻蝨滿體邇者張燈火環

伺求死不得公氣愈厲晝炭於壁作詩與忠貞公倡酬著百苦吟和淚

譜及填詞數種起甲寅三月十五日至丙辰九月十七日忠貞公受狀

遂乘間自經死同死者紹興王龍光松江沈天成藩陽范承譚林翁以

母老獲免後收藏公詩論公子曾筠踰年賊就平督撫上公死事狀下

所司議議者以諸生無贈銜例令所在給卹銀若干兩一時知公事者

莫不謂報公未盡及是乃大慰人願云嗚呼

國家太平踰四十年一旦小醜竊發政如釜魚籠鳥立見撲滅而一二  
守土大吏身膺厚祿望風鼠竄或更紆僞命者相望也公無一命之寄  
幽囚困辱毅然蹈萬死而不悔可不謂難焉而耳食者流願以名位相  
軒輊卒至篤生賢嗣爲  
國柱石宣力王家顯榮褒大歲紀一周如響斯應人知今日之重封疊  
誥爲顯公已死之魂而不知今日之底定狂瀾安流循軌者特展公未  
竟之蘊蓋公夙負經濟之略嘗爲觀察祖公係畫治河數策議上大府  
不半年而功告成其當日爲閩疆籌畫者百未盡其一二也後之君子  
尙論至此見勞人志士臨危致命百折不回夫人楊氏苦節自誓曾筠  
以孤童發迹續承厥考旣忠且孝  
今天子酬庸獎勞篤念忠義推恩錫類敦厲風節垂諸史冊爲萬世光

匪直一家之私榮而已謹詳書其死事始末俾勒諸石并系以銘銘曰  
稽由侍中忠烈載揚遠嗣克紹丕顯其光維留山公南邦奮起瀏覽掌  
故包羅經史學期致用鄙笑章句筆搖五嶽胸裁武庫一時大吏擁篲  
郊迎膝前咨諏指顧成黃河泛濫梗塞運道公陳末議安瀾永保時  
維忠貞一見歎異民實賴子子勿子棄逆藩搆煽毒甚蜂蠆公籌踞變  
提兵振隘旋罹兇鋒忠貞被鋼殺氣晝昏妖氛夕鴛公辦一死抗聲賊  
廷裂衣怒罵嚼血猶腥三載幽囚公氣彌厲燧炭劃壁淋漓詩字卒謝  
知已從容就縊逆賊未吞舍而猶視爛火旋息天開日明死能爲厲克  
斬長鯨喪車旋還妻弱子穉負土成墳鄰里歔歔夫人教子淚盡以血  
絡緯蕭蕭機聲軋軋子果成名讀書中秘遭遇

聖明大展厥志是時河決漫瀾千里

帝哀昏墊亟命往視負薪塞決功成漏暑役不罷勞民用安止

天子喜悅命終洽河豫兗江南汝功實多宮保重銜綸扉重寄追贈四

代幽泉下賁恩命式臨夫人告終閱六十年否泰窮通詎日之吉合葬

公墓奔走百僚牲牢載路大書深刻螭首豐碑虔褚揮毫班范載辭上

陳忠烈下及勞臣酬忠獎勞惟

碑傳一百十九

九

天子明天道鑒只惟公有子

又義士贈國子助教稽先生傳賈兆鳳

先生諱承仁字留山別號抱犢山農侍中紹之後祖居虞山父中書

君以官居金陵先生嘗遊梁谿樂其山水家焉所居傍東林講堂因自

號其廬曰東田年十六補博士弟子員未幾食餼居家恂恂孝友而慷

慨負大志嘗以拯濟生民爲己任生平無書不讀制舉而外雅好詩古

文詞下筆千言立就凡星象占緯兵農禮樂河渠備荒諸事罔不條晰

討論當事知先生者試其一言一策輒奇中顧數奇屢躑場屋鬱鬱不

得志先生以父母年老出就館穀尤精於醫所至活人無算殆將安貧

養志藏器以終身矣范忠貞公諱承讓者太傅文肅公仲子也中書君

與太傅有舊忠貞公撫浙時雅聞先生名思折節下之先生乃以故人

子進謁公一見深許有國士之目適奉命督閩延入記室邑侯吳公置

酒爲餞酒酣賦踏莎行詞多感語先生心不欲往中書君曰中丞以國

士相待揖汝爲上客讀書所學何事願不爲知已用耶且太傅舊誼何

可忘促之行先生室楊氏抱二子曾筠右丹送至吳門止外家之紅橋

莊外是日天色甫明薄霧漫水面送者佇立河干淚潄潄下若不勝慘  
切生離之狀先生曰嚴父命敢不往顧念兩大人年過七旬汝歸善事  
堂上撫吾子吾行思所以報知已無爲我戚戚也遂鼓棹而去入閩過  
仙霞嶺謁關夫子廟禱於神曰余此行佐范公救民也若萌利欲心必  
奪我嗣聞者震悚咸知先生志不苟矣甲寅春逆藩耿精忠將叛先生  
請於范公曰事迫矣與爲忠臣靈爲良臣曷早爲備因爲公畫策請撥  
協餉補綠旗額兵安插逃奔酌議屯田冀收拾人心殺賊勢又請假巡  
海之名提輕兵駐上游制賊方是時會城文武大吏及公麾下士皆預  
中賊餌公號令格不行先生歎曰吾輩不知死所矣有聞賊僞張筵宴  
公先生誠勿往公曰吾大臣以死報國將安逃乎挺身往賊果誘公閉  
密室隨下先生及同事者於獄被逮時猶卒數十張弓矢執白刃驅之  
若就西市先生了無怖色謂同難王生龍光曰予兩人氣誼頗同死之  
日願魂魄聚一處王生亦應聲許諸義形於面是刻天光慘淡日氣昏  
濁先生處亂屍血窟中俄迫至逆郵脅之降不從促草安民檄不從誘  
以官又不從賊怒甚欲置先生死地乃假章奏事令翰者窮詰指爲禍  
首先生毫不置辨曰死何足惜但願一見范制府得瞑目耳賊無如何

碑傳一百十九

字

乃命銅之先生在獄蓬首垢面械鎖銀鐐寒暑燥濕蟻蝨蚊蚋攢嘍之  
苦靡不徧嘗方之文信國之坐小樓其苦什百也因作百苦吟忠貞公  
與同難諸君子俱屬而和之先生工詩尤善填詞少所作遊戲三昧一  
種及揚州夢珊瑚鞭諸劇皆膾炙海內至是悲思憤鬱作續離騷雙報  
應詞皆極淋漓沈痛不可讀賊惡之防範嚴密絕楮墨乃燒桴存炭  
圖著作於四壁入夜陰房鬼火照見環牆字跡熒熒飛舞先生擊節而  
歌羽聲悽愴聞者唏噓泣下范公寄語先生曰死吾分也君何自苦爲  
先生曰死於忠與死於義一也各宜努力幸勿爲念幽繫凡三年於康  
熙丙辰九月十七日范公遇害先生聞之仰天痛哭曰所不卽死者欲  
從公有爲也今已矣遂自經死同死者紹興王龍光松江沈天成瀋陽  
范承譜三人次年王師進勦福建平制府上其事部議以先生係諸生  
無贈銜例令所在給優卹銀若干兩先是賊以殉難諸人屍骨毀棄郊  
野三山林子能任覓先生骸骨製棺殮之至是先生之僕程治得扶櫬  
歸方先生之殉節也室楊氏僅二十七歲聞之水漿不入口誓以身殉  
後以舅姑老子幼忍死守節仰事俯畜茹荼集蓼凡二十八年次子早  
夭卒撫其長者成立壬午曾筠舉孝廉楊氏以節婦

賜坊表閭而范公之子時崇奉命開府念先生之忠且義力請於朝得以諸生贈官園子助教崇祀范公祠蓋異數也丙戌曾筠成進士讀中

秘書

天子稔其家世每禁試容賞者再丁酉擢置講帷

特授山右學使者曾筠清廉有守所得皆寒賸晉人士稱祝之人咸謂

天之報施忠節不爽云秦郵後學賈兆鳳拜撰

又殉難三義士合傳吳棟炎

稽君永仁字留山別號抱嶺山農江南無錫人少就學吳郡補郡諸生

尙氣節以經濟自命諸當事聞其名多延致焉父中書公與故太傅范

公友善太傅仲子中丞公撫浙君以通家子謁見奇其才羅之幕下亡

何癸丑秋范公擢閩督邀君與俱時逆藩耿精忠將煽亂君與范公預

爲防閑如撥餉補兵安插逃奔條議屯田諸疏逆聞而忌之又勸公借

巡海爲名調水陸兵據上游制賊定期啟行軍士以器械未整辭時會

城文武官吏皆爲賊所用軍令格不行逆又陽附公數請見君誠公峻

拒已又假他事給公幽閉密室復下君等於獄迫之降以引公降君怒

罵不絕口曰吾輩惟有一死以報知己耳因作百苦吟續離騷樂府守

者防閑至密紙筆禁弗通君燒炭畫於壁夜燃火照壁上字淋漓飛動

朗吟數過復自歌其樂府擊節歎歎如猿啼如鶴唳不自知聲淚之俱

下也時范公亦有畫壁自序及武夷歌遙相倡和云有同鄉仕逆者製

新衣贈君君裂而棄之其人慙赧去迨丙辰九月十七日聞范公被害

君痛哭自誓曰此時不從亡將何待遂自經死年甫四十子曾筠成進

士官翰林編修人謂忠義之報云

王君龍光字幼譽浙江會稽人以能文補諸生屢躋鄉闈不得意嗜遠

遊嘗徧歷秦中諸名勝多題詠迨年五十餘始倦遊范公撫浙日延之

教其子迨遷閩督君念父老不欲往父曰公請蠲請賑有德吾浙者多

矣汝義不可辭毋以我耄爲念也至閩逆藩變作旣繫范公波及幕中

諸客迫脅草安民檄載誘以官爵皆不從遂械繫之俄有明經李某受

逆命以筆墨之役勸駕諸君拒之益堅如是者三年抱犢山農每語君

曰子兩人氣誼最合死之日魂魄猶應戀此無相離也君性恬澹不以

死生利害介於懷幽囚既久略無愠色其在獄也嘗著養花說及雜詩

五十餘首以見志喜讀山農所著續離騷諸樂府每夜闌月落輒高歌

數闋與更柝聲相應答後果同殉難如山農言

碑傳一百十九

三

沈君上章字天成江南華亭人祖籍浙江嘉善姓俞氏後徙華亭年十  
二父見背遺家難隨母及弟妹匿舅氏沈獲免禍因更姓沈氏伯兄積  
沛華亭諸生嘗從夏公彝仲遊尋同殉難忠義其家教也君孤貧不能  
務舉業稍學治生完弟妹婚嫁事遊京師應禮部儒士試將博微祿養  
親不可得姑託以挂名非其志也既隨范中丞公入閩值逆藩之變與  
抱犢山農約同死既而君偶以事出外俄傳同難諸子死信從雷雨中  
潛禱願出踐宿諾遂為逆黨所縛獻逆邸時鞫者方窮究章奏事將罪  
及山農君厲聲曰范公心事可白天日豈陰害人者公且無他志書生  
更何與焉逆惡其善辨遂并械繫與積王二君同獄知流傳凶問皆虛  
語益以為快君善卜易嘗卜與難事終不免故志愈堅每聞范公起居  
無恙輒心喜或聞其疾病減飲食則終宵欲泣不能寐同時有反噬山  
農者君輒批其頰怒詈之其至性過人類如此後聞范公死信卒與二  
君同死亦猶乃兄從夏公殉節之義也夫君工詩歌被難後著詩一卷  
曰聽鵲又纂花譜一卷以自遣未行於世

論曰余聞同時被難有閩人林君能任亦范公客也初欲從公死亦嘗  
用鐵鎖扼喉頭卒不死既又因九十三歲母在賊黨為營救得脫於難

碑傳一百一十九

三

范公與三義士死狀及畫壁諸詩歌皆賴林君傳述又聞死信旋往郊  
外收骨舍殮付山農之僕程治歸葬故土不可謂非義士也惜范公族  
弟承譜與公同死其行事不傳又無著作可表章為闕事耳嗣後范公

長君疏請三義士及承譜贈官奉  
旨破格允行嗚呼諸公忠義雖不藉以傳而  
本朝表忠尚義之盛心亦足廉頑而立懦也已

又稽留山先生墓表 秦松齡

稽留山先生諱永仁以康熙丙辰九月十七日死福建制府忠貞范公  
之難踰年福建平總督郎公巡撫楊公疏聞略曰頃者逆豎弄兵八閩  
煽惑故督臣范承謨臨難拒賊完節授命其幕容諸生稽永仁等生有  
贊畫之忠歿有從死之義今督臣贈卹有加而永仁等委骨原野恩命  
不至臣等昧死以聞事下所司議者以諸生無贈銜例令所在給卹銀  
若干兩於是先生之僕以喪歸庚申二月葬於無錫之軍障山時先生  
之孤曾筠尚在幼稚越壬午會筠登賢書歸而謁余請表其墓道余惟  
癸丑甲寅之際疆圉宴然兵革寢息諸藩狂於參養聞撤藩令下以井  
蛙之智懷棧豆之私非有鑄山煮海之雄封豕長蛇之勢也守土諸臣

脊亂反覆望風迎附一旦形見勢誅賊首爲俘而偷生視息之徒猶視顏衣冠爲伍先生未嘗被一命之榮膺尺土之寄事變方棘利害較然明哲足以保身委蛇可以觀變而先生不爲至於羈囚慘辱威劫利誘百折不回卒以一死謝知己而後快視向之擁方面饗厚祿者何如而議者願以名位爲軒輊悲夫先生居家以孝友聞出從士大夫遊好討論國家典故六曹章奏條分件繫爲集政備吹凡若干卷諸監司聞先生名爭折節下之而先生父中書君與故太傅善太傅者制府范公父也公撫浙時先生以故人子上謁公一見服其議論曰子天下才也會有閩督之命遂偕之行有大事必諮焉公之初至閩也逆藩耿精忠蓄謀未發先生啟公爲弭變計如請撥協餉補綠旗兵安插逃弁條議屯田諸疏冀收拾人心殺賊勢又請假巡視沿海爲名提輕兵駐上遊制賊方是時會城文武大吏及公麾下皆預中賊餌公號令格不行賊陽附公數請會先生誠勿往語見公自序中賊果於甲寅三月十五日託故誘公閉密室隨下先生等於獄窘辱備至先生了不爲動有同郡某仕逆爲顯官以鮮衣見遺先生手裂反之在獄凡三年聞公遇害痛哭自經死同死者紹興王龍光松江沈天成等嗚呼才人志士進不得

碑傳一百十九

五

志於當時退而託知己以自効如古參軍記室之任亦往往有以表見觀先生所規畫卽古人何以過而計弗售於生前名未定於身後曾鈞涕泣請表其墓有以哉先生先世常熟人父諱廷用字觀南宏光時官中書舍人因居金陵先生嘗遊無錫樂其山水留家焉始字匡侯乃更號留山旣就學吳郡補郡諸生死時年四十其著述多散佚有絕句百首樂府若干卷傳於世蓋在獄時作室楊氏青年勵節撫其孤自西歲以迄於成人食貧苦操真不愧先生婦云余雅與先生善知先生天性過人敦信義重名節生平行事不可勝紀謹述其死難始末鏡諸墓石以告來者

馬文毅公雄鎮傳

王士禛

公諱雄鎮字錫蕃一字坦公姓馬氏其先登州蓬萊人始祖英占籍遼陽左衛曾祖重德太平府通判有惠政建祠赭山祖與進考鳴佩總督江南江西兵部尚書爲開國名臣事具

管造

國史妣孟氏誥封夫人公以從龍大臣子順治中起家工部副理事官

孝陵遷宗人府啟心郎擢都察院左僉都御史進內國史院學士



上才之以爲副都御史巡撫山西未行改撫廣西陞辭

賜御服以示優異時粵西多盜賊王道榜等寇左江妖僧某僞挾明宗

亂右江莫扶化等連諸徭獠躡平梧諸郡所在騷駭公至粵宣布

朝廷威德勦撫兼用不數月殲其渠魁餘悉解散于是請復有司邊俸

省兵糧腳價除採買之累民者疏上皆

報可未幾而吳三桂之變起先是定南孔壯武王鎮廣西死李定國之

難以其塔孫延齡爲將軍代領其眾癸丑春都統王永年與延齡計奏

朝議遣大臣往勸至是滇南作逆粵西震動延齡遂殺永年及孟一茂

等三十餘人受僞命發兵反逼巡撫以下更服制綴符篆公具衣冠望

闕再拜闔戶自經不死願謂子世濟曰賊勢雖深人心尙固脫得一旅

疾致其外從中策應破賊如發蒙振落耳三月遣世濟問道詣

闕請兵陳賊可破狀六月繼遣其客朱叻以孫國楨齋表潛行赴京師

又遣其客李子燮以次子世承行延齡覺之勒兵脇公公引佩刀自剄

不殊賊囚之別室公絕食數日又不死而三桂遣僞書以高爵啗公使

降公裂書抵地不視齟齬者凡四年會延齡與三桂貳又與叛帥馬雄

敷治兵相攻丁巳三桂僞將軍吳世琮帥師克桂林殺延齡遂以兵收

公既至其營箕踞大罵鬚髯怒張世琮逼公降公吐曰吾爲

天子守茲土義死封疆所不卽死者欲手殲逆賊上報君父耳今討賊

志不遂死自吾分毋多言世琮退令諸帥迭遊說更進酒食公推案罵

愈厲世琮發怒先殺公幼子世洪世泰遂及公其僕九人皆從死公既

死賊暴其尸烏金鋪田野中四十日顏色如生有趙天元者亦僞將軍

也收瘞桂林之廣福寺夫人李聞難與妾顧氏劉氏二女某某世濟妻  
董氏妾苗氏皆自經死妾趙氏等以饑餓前死者又十九人事聞  
上震悼贈公太子少保兵部尚書諡文毅以世濟爲大理少卿  
論曰今之巡撫與唐之節度觀察使事權相埒  
國初以來皆握兵柄後乃稍變易其制一旦有事輒束手而聽命於人  
所謂倒持太阿授人以柄者也以文毅公之才略忠義激發使得戲下  
一旅叛將忿卒必有所忌憚而不敢動縱其跋扈而仗義執言以討不  
庭鼠子輩豈足道者哉既事權不屬卒以忠烈自見妻妾子女下逮僕  
隸從死如歸嗚呼惜矣然公之歿也  
贈官子諡皆踰常格又  
御書其神道之碑傳云死王事者加二等公之邀

國恩厚矣又何憾哉

父馬文毅公傳前上錄

馬雄鎮字錫蕃號坦公漢軍鑲紅旗人曾祖重德以貢除遼陽都司訓導遷江南太平通判攝蕪湖常塗令皆有異政民爭畫其像投効歸後兩邑祠祀之祖與進字復所亦官訓導天啟辛酉遼有兵禍公率民捍城甚力妻趙氏因訛言遠驅女孫入井領家人四十餘口同日死父鳴佩字潤甫從龍入關以部郎出為汾潞道數立戰功厯官至兩江總督善治兵尤知人垂老致仕生一子即雄鎮也公以大臣子選用起家工部厯官清要康熙九年出撫廣西削平諸劇盜惠政淪浹吳三桂反十三年將軍孫延齡私與通挾夙恨遽斬都統孟一茂等三十餘人勒兵出城遣甲士圍撫署以偽命遣公衣冠脅降是時巡撫尙未設標兵公束手無策易朝服自經家人急救之不死乃遣僕賀徵齋疏遁入京師告變尋又遣承差楊啟祥引長子世濟遁繼則託幕客李子燮朱昉及承差唐守道唐正發挾次子世承孫國禎遁延齡瞰得之乃迫公遷土室公拔刀自刎賊兵奪刀落兵四指公又不得死遂全家被囚者厯四載延齡百折之不少屈然延齡亦以此感悔觀望不遽赴滇逆實公持

碑傳一百十九

五

守功也十六年三桂遣其孫世倬收兩粵斬延齡百計誘公降且置盛筵示敬禮公怒罵益甚賊不能堪十月十二日押公至烏金鋪使人執公兩幼子相挾制公誓不絕口賊乃殺二子公奪兩頭擊賊遂被害時年四十有四老僕諸應兆等九人見公死交口躍罵賊駢戮之時眷屬尙羈別室聞公變長媳董氏先投縲繼絕仆地觸首面俱碎復上掛死時年二十有七公妾顧氏劉氏女二姐五姐世濟妾苗氏以次縊夫入李氏坐觀之使各就衾殮然後北向九叩從容自挂時年三十有九其僕婢十八人皆殉焉守兵二人感且涕私記各尸焚而瘞于廣福寺後公與二子等尸暴露四十餘日賊將趙天元過其側見公展兩臂枕兩兒尸下馬再拜亦殮葬寺側撫蠻滅寇將軍傅宏烈時駐兵梧州孫成陳文煥者亦土室中客也乘變逃匿平樂進士袁景星家具公死事狀

匍匐梧州求傳申奏

上震悼加公太子少保兵部尙書諡文毅授世濟京卿使世承入監讀書十八年正月三桂死宏烈兵敗柳州執至貴陽盡節明年世濟疏請往迎先人骸骨得允先是土室以饑寒死者凡十九人雄鎮若不聞者日以賦詩臨池自遣姬顧氏本吳中閨秀精通小學說文撰彙草辨疑

十二峽姬皆手爲旁訓之初公出撫

上解御衣爲賜及聞延齡伏誅度必死乃以衣授武弁易友亮使藏匿

先竄懼汚

君賜也世濟至粵西友亮獻衣述遺言世濟歸奏

上仍以衣賜世濟遣勳賊大臣奠醊諭祭並賜

御書碑文立墓道贈李氏董氏誥命如夫官又特命議授四客官授守

道正發啟祥友亮守備世濟歷官黔撫漕督至少司寇世承以刺史歷

運使國禎官江南常鎮道督餉進藏卒于軍子日炳任金華知府長子

宏基襲佐領次子宏壘官蕭山西興驛丞公著有笏擊樓集康熙二十

三年敕建雙忠祠於桂林府治祀公及傅將軍宏烈云

又馬文毅公廣西殉難始末徐乾學

廣西偏處南粵而桂林當寶永之外以全州爲門戶左倚蒼梧右據柳

江

國家因前代之舊置省會於此巡撫都御史行臺在焉康熙十二年季

冬吳三桂反書至粵馬公雄鎮方撫其地案令甲巡撫止治其吏事未

有提督軍務之命公便宜急病約提帥某公飭疆界嚴烽堠厲兵峙糧

以絕三桂連結閩廣之路未三月將軍孫延齡叛應之延齡故定南王

孔有德女夫也初有德鎮廣西戰歿無嗣廷議以其功高不忍使他人

代將用延齡爲將軍俾統藩下軍仍鎮桂延齡統統子不知順逆因與

都統王永年有隙十三年二月下旬七日遂殺永年及副都統孟一茂

等三十餘人以兵圍臺署傳僞命遺公冠履且脅之降公朝服北向叩

首曰臣無狀祇以一死報

國拜畢闔書室自經家人踣戶救之適有自提帥所來者謂當與總督

會兵即至公曰果爾吾何難少埃因密疏陳延齡叛逆狀且言賊圍守

之嚴一切上下文書皆截劫不得達臣職在封疆義惟一死昨潛報督

提並云救兵將至姑少待之望亟移鄰近禁兵拯粵民于塗炭時三月

朔日也疏至

上始知公義不黨逆爲之色喜踰月督提兵不至公語長子世濟曰賊

勢雖強人心自固汝速赴闕請兵來我爲內應破之如振槁葉耳無徒

父子相守爲賊所屠也世濟潛達江西巡撫江西董公衛國奏其事

上益喜遣章京一人馳護以來至則授以四品京卿六月賊圍愈急公

夜爲再陳粵西情形疏付長孫國楨極言桂林人心素輕孫賊而吳逆

遠不相救有反掌可復之勢倘大兵亟到功可立就粵西既復吳逆腹背受敵平蕩可期臣遠在五嶺萬里外若機有可圖臣敢不竭力如其不濟惟有與妻子同齒劍死期無負

皇上知遇而已俾與客朱昉鑿墉而出數日客李子燮又將次子世承潛出從之抵京

上復大喜并朱李二客並授以官於是賊偵知公終不可屈而子若孫入朝請師者相踵乃使其兄延基率兵排闥前執公公引佩刀自刎血流被體賊卒前抱奪之公握刀甚固截卒手落其三指終被奪不得死

賊昇公出并親屬四十餘人幽別室而守公者甚嚴臥起不得自適如是者四年一幼女四孫及婢僕十四人以凍饑相繼死十六年夏吳三

桂惡延齡異己以公在或爲所誘乃使賊吳世琮至桂林攻殺延齡隨召公稱僞詔欲降之公鬚髮怒張目眦盡裂罵曰吾大臣義當死所不

卽死者欲手刃汝輩叛賊歸報

聖主耳今志不遂死矣何多言世琮見公語峻無降意攝公置他帳使其黨說誘百方更進以酒食公傾食擲器怒罵不絕口賊度公終不可

脅遂先殺公幼子世洪世泰次家僕諸老道等九人次及公公顏色不

變怡然飲刃而逝蓋六月十一日也配李氏子婦董氏女二姐五姐妾

顧氏劉氏子妾苗氏聞變相率自縊客孫成陳文煥匍匐宵行至梧州

告哀於將軍傅宏烈宏烈以聞

上惻然憫歎曰馬某果不負國矣其議所以褒恤之者議上俾從優更

議成文煥亦得除郡佐縣令焉十八年春三桂死粵東西以次平次年

夏世濟奉

詔迎公喪及冬至粵粵人言公既無命賊下令禁收其屍暴野外四十

餘日賊將趙天元過之見其左右各挾一子色凜凜有生氣下馬太息

解衣覆其上次日使人瘞之廣福寺後桂民感公義烈私以瓣香酌酒奠壺下者至今無虛日初李夫人在囚所未知公遇害守者房李二弁登垣告之婦董請於李夫人先死次二女次顧次劉次苗二女與顧已就縊猶以其輩行相讓李夫人身爲收斂乃奮身入縵而卒今粵人言如此又部曲易友亮者奉衣一襲進曰此上所賜御服也公不忍汚賊手先卒數日授某謹收之今幸不隕命敢以歸寄世濟泣受之以粵人言徵之成文煥所述行哭求公屍自公與李夫人以下骸骨皆在十九年世濟還京復命上

賜衣於朝

上嘉歎無已卽以衣賜世濟贈公太子少保兵部尚書賜葬加祭諡文毅親灑宸翰以樹隧道廢一子入監讀書配李贈夫人祔葬子祭婦董

以世濟官三品亦得贈淑人論者謂公報主之志久而彌堅而上褒忠之典加而無已君臣之際可謂兩盡其道者矣公歷官名績及

世系葬域皆詳碑誌家傳茲不備著

又附贈兵部尚書馬公家傳邵長蘅

余旣爲馬氏作二烈女傳少司寇公又以家傳譁謗公之先兩世官

江南有惠政余江南人而文毅公大節又余所欣然願爲載筆者也

何敢辭乃作贈兵部尚書馬公家傳

公姓馬氏名重德字瑞軒其先山東蓬萊縣人始祖英仕遼東保義副

尉卽又占籍爲遼陽人年十五補衛諸生明萬厯間以貢除遼陽都司

學訓導遷太平府別駕在太平數年投効歸

本朝以孫貴得彙贈如孫官公居官潔廉尤明敏善決疑獄一再攝縣

令所至黠吏豪民皆逆爲斂然寬於貧弱務牧養小民以故得惠愛聲

常攝蕪湖令蕪有豪殺人焚其屍莫滅跡更數令獄久不決公微知冤

狀顧未有以顯服豪久之廉得其焚屍處單騎馳往命卽屍所聚炭薪

炙地沃以鹽已取堅楮覆之頃之揭楮視則屍痕宛然故所中創處毫

髮畢見豪叩頭具服竟論抵又攝蕪湖關權盡斥羨縉佐縣官旣盈額

則以償前使者通課竟數月不名一錢再攝當塗令皆著治迹以病自

劾去兩邑吏民號泣送者數萬人旣去兩邑爭立祠肖像祀之後四十

餘年公有孫以大司馬總督江南江西行部至蕪湖瞻拜祠下以公像

失眞謀更塑而匠人無識公者難之明日蕪湖民奉公畫像至以十數

計中有酷似者像遂成嗟乎近世郡縣吏視其官若傳舍然民亦以過

吝視吏更數年或不能舉其姓氏甚者詬詈隨之吏乃詆謀其民曰俗

薄公以一畧令更易代歷四十餘年而民顧每食必祝如是豈非良吏

難得而遺愛之在人者可久哉然則謂民俗媮薄者何歟三子長與進

尤知名與進字復所亦以貢授訓導不赴嘗受知經略熊公廷弼熊公

貞才略視世所稱豪傑士無足一當者顧獨折節公卽其人可知矣與

進三子長鳴珮卽以大司馬出總督者也次鳴玳能文蚤卒

總督公名鳴珮字潤甫年十七補博士弟子員時遼左初隸本朝

太宗求賢知自助以公爲工部啟心郎會諸事草創每有規畫建置輒

以詢公公對輒稱旨甚器重之公爲人深博有謀善兵略從

世祖入關以左參政分守山西潞汾道聞賊餘寇號一隻虎者驍悍將吏莫能制常寇肯嵐公設伏敗之已獲復遁去呼郡將密授方略馳數十騎往縛以歸餘賊駭散移分巡下湖南道課最超遷戶部右侍郎督理江南糧儲錢法又命總督宣大所至治辦皆有聲順治十一年遷兵部尚書總督江南江西軍務當是時天下略定大江南北地表延三四千里崔苒伏莽所在多有而鄭氏餘孽跳梁海上瀕海郡縣數中寇吏民苦之公至則選將校明什伍繕墩堡治戰艦軍政畢舉大將軍梁公化鳳時爲偏裨未知名公與語奇之疏薦化鳳有大將才命統水師遮擊海賊於崇明大戰陣斬千八百級獲賊艦百復平洋諸沙賊氣懾欲遁公爲檄檄賊中開示禍福僞督張名鎮阮四陳輝僞總兵顧忠王有才相繼乞降忠尤劇賊號網倉顧三善水戰所鄉輒利羣賊倚以爲導忠降賊益沮竟公鎮不敢入寇久之以目疾再疏乞休

詔回京視醫藥後十餘年卒先是公既去鎮賊闖入海門破京口攻圍

元

龍江關賊宵遁金陵圍解捷聞即軍中授大將軍印封世爵世以是益

服公能知人云一子卽文毅公

神傳一百一十九

文毅公名雄鎮字錫蕃少以大臣子選用授工部副理事官擢宗人府啟心郎以憂去服除補左僉都御史命巡撫山西不果行康熙九年改右副都御史巡撫廣西公質重有守忠孝出天性奉總督公喪哀毀循禮與人交謙厚溫謹長者也遇事有不可則毅然必達不爲利害撓待人推心不疑能得其死力粵西地連溪峒猺獞雜處羣盜左江楊其清平梧莫扶化黨皆數百人逐捕歲餘不能禽公至勦撫並用不數月戮其渠率餘賊解散已乃建議復邊俸省兵米開蘇木禁停采買藥材疏十餘上先後得

報可後三年而孫延齡之變作延齡者故定南王孔有德婿也王鎮廣

西莫無子

朝廷以延齡爲將軍攝軍事延齡數擅殺人犯法都統王永年發其姦

遣使者案驗辭服

上不忍致之法詔奪其官會吳三桂反粵西震動廷議復以延齡爲將

軍鎮撫之延齡旣內銜王永年次骨又怨前削奪其官見三桂勢張甚遂蓄異圖十三年春詐集諸將議事縛王永年於坐殺之殺副都統三十

餘人遂勒兵圍撫署以僞命遣衣帽脅公降是時承平久撫臣名封疆大吏然實無兵柄權輕會變起倉卒公知勢不支易朝服北鄉再拜曰臣亡狀謹以一死謝

國卽距戶自經家人踴扉入救之得不死已乃遣其長子世濟詣

闕上變語曰賊勢雖強人心尚固王師至我爲內應破之如振槁耳不則父子俱屠無爲也公子涕泣叩頭去逾月事益急又遣其客攜次子世永孫國楨乘夜穴垣出聞道達京師賊偵知公終不屈而子孫入朝乞師者相繼益恚且懼賊兄延基率兵排闥入環立露刃睨公公引所佩刀自剄不殊血漉被體賊卒前抱持救之奪其刀刀創救者右手墮三指賊鼻公出並驅其家屬幽別室中公絕食數日不死乃復食自是坐臥一室足不踰戶限者四年三桂以書招公公手裂書抵之地罵曰

吾天子大臣肯作賊耶其後逆賊互相誅屠賊將吳世琮入桂林執孫延齡殺之遂收公及幼子家僕去世琮責公降公鬚髮怒張目皆裂吐曰吾大臣義死封疆所不卽死者欲手刃叛賊耳今志不遂死矣何多言世琮見公詞峻無降意移置他帳令賊黨更相誘說公瞋目不應稍進

碑傳一百十九

三

以酒食則傾食擊器罵詈不絕曰賊大怒令牽去以刃夾諸人坐之地先殺幼子世洪次世泰次家僕諸老道以下九人次及公公北嚮坐欣然引脰受刃益康熙十六年十月也年四十有四有四是日聞變夫人李氏與其女媿妾媵白經死者七人語在二烈女傳先是公有一幼女四孫男女及婢僕十九人皆以凍餓死闔門先後死者凡四十三人公旣死賊怒猶不解下令禁收公屍暴四十餘日賊將趙天元過之睨公面勃勃如生驚下馬羅拜曰忠臣也解衣覆其屍潛瘞之廣福寺後守弁某亦以季夫人及子女遺骨竊其旁初公所遣長子世濟來京師上憫其忠詔官四品京卿至是抗疏略曰臣父身死封疆闔門慘難暴骨原野臣誠日夜痛心願得匍匐往收遺骸惟

陛下哀憐疏入

詔世濟乘傳往遂以喪歸

上遣重臣臨祭者再赦有司治窀穸特贈太子少保兵部尙書賜諡文毅又親灑宸翰文其隧道之碑嗚呼觀公之盡忠與聖主之所以酬忠交得之矣世濟字元愷今官刑部侍郎好學問喜文章士能以忠孝世其家

邵衡曰衡辱交今少司寇公得具悉其家世聞前明時遼陽陷文毅公  
大母趙義不辱抱一幼女赴井死馬氏脫於兵者僅三人及文毅公之  
難脫者亦僅三人六十年間再罹凶旣天之於馬氏亦酷矣抑余聞長  
老言忠烈之門是當有後司寇之世大也宜哉



